


ჩემი აფხაზეთი

აფხაზეთის ავტონომიური რესპუბლიკის განათლებისა და კულტურის სამინისტრო №40, ნომბერი, 2017 წელი



წებელდის ძეგლები ნადგურდება!

წებელდის ციხის ფრაგმენტი

ისტორიულ-გეოგრაფიული რეგიონი წებელდა მდებარეობს დასავლეთ საქართველოში და მოიცავს ვრცელ ტერიტორიას მთიანი აფხაზეთის უღამაზეს ხეობაში მდინარე კოდორის შუა და ზემო წყლის აუზში. VI საუკუნის ბიზანტიელი ავტორები პროკოპი კესარიელი და აგათია სქოლასტიკოსი ბიზანტია-სპარსეთის ომთან დაკავშირებით მრავალჯერ იხ-

სენიებენ აფსილეთის მთავარ ციხეს ციბილიუს (ციბილიუსს). თუმცა აღსანიშნავია, რომ წებელდის ციხის ადრეული ფენები IV-V სს თარიღდება. ისტორიოგრაფიაში გავრცელებული მოსაზრებით სახელწოდება „წებელდა“ და ციხის სახელი ერთი და იგივეა.

იხილეთ მე-7 გვერდი



აფხაზური ენის კვირეული გვ. 4



ესეების კონკურსი მასწავლებლები კონსტიტუციაზე გვ. 5



საუნივერსიტეტო დიპლომატიის გზით... გვ. 6

სოხუმის ბლვისა და მზის... მონაწრებით დამუხცუდი ბენეფისი

ნატო ქორსანტია

აკაკი ხორავას სახელობის მსახიობთა სახლში საქართველოს სახალხო არტისტის დიმიტრი ჯაიანის ბენეფისი გაიმართა. მსახიობი დამსწრეთ ბენეფისის იდეის ავტორმა და რეჟისორმა გოგი ქავთარაძემ წარუდგინა.

დიმა ჯაიანმა თავისი ცხოვრებისა და შემოქმედების მნიშვნელოვანი ამბები, მოვლენების მისეული შეფასებები გულივით გადაუშალა სოხუმიდან გამოყოფილ თუ აქ, თბილისში შექმნილ ერთგულ მაყურებელს; საყვარელი პოეტების ლექსებითა და საკუთარი სიტყვებით გაუმზილა, თუ რა სტიკია, რა უხარია, რა ადარდებს და რა აიძულებს; ესაუბრა განვლილ გზაზე, პედაგოგობაზე, ახლობლებსა და მეგობრებზე, ყველა-სა და ყველაფერზე, რასაც მის ცხოვრებაში სიყვარული და ერთგულება კრავს და ამთლიანებს.

გზადაგზა ყოველივე ამის თანმდევად ეკრანზე მსახიობის მიერ სოხუმის კონსტანტინე გამსახურდიას სახელობის სახელმწიფო დრამატული თეატრის სცენაზე განსახიერებული საუკეთესო როლები გარბოდნენ სპექტაკლებიდან: „დიდოსტატის მარჯვენა“ (მეფე გიორგი), „ბრძოლა ტახტისათვის“ (მეფე შოკონ შოკონ-

სენი), „მარადისობის კანონი“ (ვახო ამბოკაძე), „ზღვა, რომელიც შორია“ (ზურაბი) და სხვ.

„მე მრავალი ცოდვა მიმიძღვის ამქვეყნად... მაგრამ ჩემი ხალხისათვის არასოდეს მილაღატნია“.

ბენეფისი დიმიტრი ჯაიანმა მის მიერ ჯერ კიდევ სოხუმში განსახიერებული კონსტანტინე გამსახურდიას მეფე გიორგის ცნობილი მონოლოგით დაიწყო და როგორც არაერთხელ მიუნიშნებია, ამით ახლაც თითქოს თავისი უმთავრესი სათქმელიც გახაზა.

სათქმელი, რომელსაც კიდევ უფრო ამძაფრებდა აფხაზეთის სიმღერისა და ცეკვის სახელმწიფო ანსამბლ „აფხაზეთის“ მიერ შესრულებული მეგრული სიმღერა: „დიდოუ ნანა, მებდინაო ჩქიმი ცოლა“...

ასეთი სევდიანი და ჩვენი ქვეყნის ტკივილიანი ისტორიის ამსახველი დასაწყისი ბენეფისის შემთხვევით არ აურჩევიათ რეჟისორსა და მსახიობს. პიროვნების ისტორია ხშირად ქვეყნის ისტორიას გადაეჯაჭვება... და აფხაზეთის ომ- და საკენ-ჭლებერგამოვლილი დიმიტრი ჯაიანიც ვერც თავის ბენეფისში გამოტოვებდა მისი ცხოვრების ნაწილად ქცეულ ამ ამბებს.

გაგრძელება მე-3 გვერდზე



დიდი კომპოზიტორები აფხაზეთში გვ. 9



ნათია თოდუა: ეს წარმატება დავიმსახურე სწორედ იმიტომ, რომ აფხაზეთიდან ვარ!

გვ. 10

ღვანულმოსილთა და წარჩინებულთა მიღება გაიმართა

ირმა ბოზოლაძე

ვალერი არქანიას სახელობის არტ-გალერეაში მასწავლებლის დღესთან დაკავშირებით აფხაზეთის ავტონომიური რესპუბლიკის განათლებისა და კულტურის სამინისტრომ აფხაზეთის მთავრობასთან ერთად აფხაზეთის ღვანულმოსილი პედაგოგებისა და აფხაზეთის საჯარო და ოკუპირებული საშუალო სკოლების მედალოსნების მიღება გაიმართა. მიღებას აფხაზეთის ავტონომიური რესპუბლიკის განათლებისა და კულტურის მინისტრის პირველი მოადგილე მანანა ძვარცხნივა უძღვებოდა.



აფხაზეთის არ მთავრობის თავმჯდომარის მოვალეობის შემსრულებელმა ვახტანგ ყოლბაიამ და აფხაზეთის არ განათლებისა და კულტურის მინისტრმა დიმიტრი ჯაიანმა აფხაზეთის ღვანულმოსილ პედაგოგებს - მერი გეგეჭკორს, ლენა კიტიას, ეთერ ხაზუბიას, გივი ჯომიდავას და ბორის შარანგიას მადლობა გადაუხადეს განუვლი ღვანულმოსილისთვის, ხანგრძლივი სიცოცხლე უსურვეს და სიმბოლური საჩუქრები უსახსოვრეს. შემდეგ ვახტანგ ყოლბაიამ და დიმიტრი ჯაიანმა აფხაზეთის საჯარო და ოკუპირებული საშუალო სკოლების 18 წარჩინებულ კურსდამთავრებულს წარმატებები მიულოცეს და მათგან 13-ს ოქროს და 5-ს ვერცხლის მედლები გადასცეს.

დასასრულ გაიმართა სამუშაო შეხვედრა აფხაზეთის საჯარო სკოლების დირექტორებსა და ადმინისტრაციის წარმომადგენლებთან თემაზე: „2016-2017 სასწავლო წლის შედეგები და მომავლის გამოწვევები“. შეხვედრას წარმართავდა აფხაზეთის არ განათლებისა და კულტურის სამინისტროს განათლებისა და საგანმანათლებლო პროგრამების სამსახურის უფროსი ნინო ლობჯანიძე. შეხვედრაზე განიხილეს სკოლების ინფრასტრუქტურული მდგომარეობა, მათ წინაშე არსებული ამ და სხვა საკითხებიდან

რა მოგვარდა და რა დარჩა მთავარ გამოწვევად. ასევე ითქვა მოსწავლეების ტრანსპორტირების პრობლემაზე და ა. შ.

დასასრულ პედაგოგებს მიენოდა ინფორმაცია იმის თაობაზე, რომ აფხაზეთის არ განათ-

ლებისა და კულტურის სამინისტრო აფხაზეთის საჯარო სკოლების X-XI კლასებისთვის ილია ვეკუას სახელობის მათემატიკური ოლიმპიადის ჩატარებას გეგმავს. ოლიმპიადა დიდ მეცნიერის იუბილეს მიეძღვნება.



ხსოვნისა და მოგონების საღამო

ეკატერინე ბაღილია

აფხაზეთის სულიერებისა და კულტურის ცენტრმა ილია ჭავჭავაძის 180 წლისთავს საღამო „მამული, ენა, სარწმუნოება“ მიუძღვნა. თავდაპირველად ილია ჭავჭავაძის ცხოვრებისა და მოღვაწეობის ცალკეულ ეპიზოდებზე ისაუბრა ლიტერატორმა თამაზ ტყემალაძემ.



კომპოზიტორმა გიორგი შავერზაშვილმა კი რევაზ ლალიძის სიმღერის „ჩემო კარგო ქვეყანავ“ თემაზე კომპოზიცია შეასრულა.

შემდეგ საღამო ილია ჭავჭავაძისა და „საგურამოს“ პრემიების ლაურეატის პოეტ გენო კალანდიას ლექსთა კრებულის „საგალობლები უფლისთვის“ წარდგენით გაგრძელდა. ეს არის კრებული, რომლის გამოსვლას პოეტი, საბედნიეროდ, მოესწრო, მკითხველისთვის მის წარდგენას კი ვერა. ამდენად, საღამოზე კრებულის გამოცემის სიხარულს მისი ავტორის არყოფნის სევდა გასდევდა. კრებულზე „საგალობლები უფლისთვის“ ღრმად და საინტერესოდ ისაუბრა სოხუმის სახელმწიფო უნივერსიტეტის პროფესორმა მარინა ტურავამ, ხოლო საგალობლები წაიკითხა აფხაზეთის არ განათლებისა და კულტურის მინისტრმა დიმიტრი ჯაიანმა. როგორც საგალობლებზე, ისე ზოგადად გენო კალანდიას პოეზიის განუმეორებელ ხიბლზე ისაუბრა მწერალმა და კრიტიკოსმა მაკა ჯობაძემ. მათ არაჩვეულებრივად თქვეს იმაზე, რომ „საგალობლები უფლისთვის“ გენო კალანდიასთვის თითქოს იმქვეყნად გადასვლის ერთგვარი შემზადება

აღმოჩნდა, რაც პოეტმა არაერთი წინასწარმეტყველური შესანიშნავი სტრიქონით გამოხატა, მათ შორის ამითაც: „ვემშვიდობები უფალს ლოცვით მინას, რომელმაც მაქცია კაცად“.

გენო კალანდია მოიგონეს ასევე არნოლდ გეგეჭკორმა, თემურ შაშიაშვილმა და სხვ. საღამოს უძღვებოდა მამა ადამი (ახალაძე). საღამოს აფხაზეთის ავტონომიური რესპუბლიკის მთავრობის თავმჯდომარის მოვალეობის შემსრულებელი ვახტანგ ყოლბაი, აფხაზეთის ავტონომიური რესპუბლიკის უმაღლესი საბჭოს თავმჯდომარე ელგუჯა (გია) გვაზავა, გენო კალანდიას ოჯახის წევრები და ფართო საზოგადოების წარმომადგენლები ესწრებოდნენ.

აქვე თბილისის ვანო სარაჯიშვილის სახელობის სახელმწიფო კონსერვატორიის პროფესორმა რევაზ თავაძემ წარადგინა პიანისტა თბილისის მეექვსე საერთაშორისო კონკურსის გამარჯვებული გიორგი გიგაშვილი, რომელმაც ლისტის „სამგლოვიარო სვლა“ ციკლიდან „პოეტური და რელიგიური ჰარმონიები“ შეასრულა, რაც დამსწრეთა იმდღევანდელ განწყობასაც ეხმიანებოდა.

ზურაბ სოჭვიდავას ხსოვნას!

განუსაზღვრელად დიდია მსოფლიოში აღიარებული ტენორის, არაერთი პრემიის ლაურეატის, ბოლონის უძველესი სამუსიკო აკადემიის საპატიო წევრის ზურაბ სოჭვიდავას გარდაცვალებით გამოწვეული მწუხარება.



შეუძლებელია, არ ითქვას, რომ ცნობილი საოპერო პარტიების, ქართული ფოლკლორის უბადლო შემსრულებელი უჩვეულო პიროვნული ხიბლით, თავმდაბლობითა და მოკრძალებით გამოირჩეოდა.

ზურაბ სოჭვიდავა სოხუმში დაიბადა. თავად ამბობდა, რომ სწორედ ამ ქალაქში ფოლკლორზე და ქალაქურ სიმღერებზე გაიზარდა, პირველი საოპერო კონცერტიც აქ, თბილისის ოპერის თეატრის გასტროლებისას მოისმინა. არაერთხელ გადატყავებია მუხლი სოხუმის მინდვრებზე ფეხბურთის თამაშისას, რასაც ყოველთვის ზღვის პირას გასეირნება მოსდევდა.

ამიტომაც განიცდიდა ძალიან სოხუმში, საერთოდ, აფხაზეთში მოსალოდნელ განსაცდელს. ომის დაწყებამდე ორი თვით ადრე, სოხუმელებს უკანასკნელად უმღერა და ლამის დაუჩოქა, გეგედრებით, მეგობრულად იცხოვრეთო! მაგრამ... ეს ვერ მოხერხდა!

ამის შემდეგ პროტესტის ნიშნად იქ ჩასულა, არადა, მშობლების საფლავთან მისვლაზე ოცნებობდა.

გვწამს და გვჯერა, რომ ამიერიდან მაინც მისი სული ასე მონატრებული მშობლებისა და ახლობლების სულს ზეციურ საქართველოში შეუერთდება!

აფხაზეთის ავტონომიური რესპუბლიკის განათლებისა და კულტურის სამინისტრო



სოხუმის ზღვისა და მზის... მონატრებით დამუხტული ბენეფისი

ნატო კორსანტია

დასაწყისი / გვერდზე.

„საკენჭურის გზა, ეს მართლა გოლგოთა იყო, ომზე დიდი საშინელება. დაფიცებული მაქვს, რომ ამ გზაზე არასოდეს მოვყვე. არ მინდა, ხალხმა ბოლომდე იცოდეს ის, რაც იქ ხდებოდა. ომი, ჩემი აზრით, იმიტომ არის საშინელება, რომ სიკვდილი უფასურდება. ვაჟაფშაველა მახსენდება: „ღმერთმა გიმეგლოს, სიკვდილო, სიცოცხლე შენობს შენითა“... ბევრი ვაჟკაცი დააკლდა სოხუმს, ქალაქს, „სადაც სხვანაირად წვიმს, ზღვას სხვა სუნი ადის, სხვანაირად სველდება“...“

დღეს კიდევ ერთი შემზარავი ამბავი მოვიდა მოსკოვიდან: ნალდი სოხუმელი, დიდი ზურაბ სოხუმელი გარდაიცვალა. წუთიერი დუმილით პატივი მივაგოთ მის ხსოვნას“...

წუთიერი დუმილის შემდეგ დიმიტრი ჯაიანი-მა ზურაბ სოხუმელისა და აფხაზეთის ომში დაღუპული ბიჭების ხსოვნის პატივსაცემად მურმან ლებანიძის მიერ გურამ თიკანაძისადმი მიძღვნილი ცნობილი ლექსი „-ვოი! რა უფერულია სიკვდილი ლოგინში“ წაიკითხა. ლექსს აკომპანემენტს ისევ ანსამბლი „აფხაზეთი“ უწევდა გულსა და სულში ჩამწვდომი დატირებით „ვეფხო“ (სოლისტი სოფო ქირია).

„...ჩაუქი მკვდარიც ჩაუქია - ვარსკვლავი ვარსკვლავებს მომწყდარა!“

ახლა ამაზე უკეთ ვერც ერთი ფრაზა ვერ დაიტევდა დიმიტრი ჯაიანთან ერთად მთელი საქართველოს წუხილს...

დიმიტრი ჯაიანი ამ ბენეფისზეც არაერთხელ იტყვის, რომ თავის უმთავრეს სადარდელოდ აფხაზეთი მიაჩნია, ამ სადარდელოს ხელოვნების ენით საუკეთესო გამოხატვლად კი კონსტანტინე გამსახურდიას სახელობის სოხუმის სახელმწიფო დრამატულ თეატრში დადგმული სპექტაკლი „ზღვა რომელიც შორია“, რომელშიც თავად ქართველი ზურაბის როლს ასრულებდა.

„თემურ ჩხეიძემ სოხუმის თეატრს დევნილობაში აჩუქა სპექტაკლი, რომელიც არის პროგრამა, როგორ დაგბრუნდეთ აფხაზეთში, ჩვენს სოხუმში. პიესის ავტორი, იცით, გურამ ოდიშარია იყო. საქართველოს მაშინდელმა ხელისუფლებამ არ მოინდომა, ეს სპექტაკლი სოხუმში ჩაგვეტანა და იქ გვეთამაშა. ამ სპექტაკლს უფრო დიდი საქმის გაკეთება შეეძლო, ვიდრე პოლიტიკოსებს, მაგრამ ვილაცას ეს არ უნდოდა“...

და რა სამწუხაროა, რომ ვილაცამ არ მოინდომა, სოხუმს ისევ გაეხსენებინა კონსტანტინე გამსახურდიას სახელობის თეატრი, რომელშიც თავის დროზე დიდი კვალი დაატყო ქალაქის კულტურულ ცხოვრებას.

„სოხუმის თეატრის ოქროს ხანა სოხუმში გოგი ქავთარაძის სახელს უკავშირდება. მას, როგორც მსახიობსა და რეჟისორს ბრწყინვალე სეზონები ჰქონდა რუსთაველის თეატრში, ქუთაისში... მაგრამ მისი შემოქმედების გვირგვინი იყო სოხუმში. იმ პერიოდში ჩვენ შემოვიარეთ ყოფილი საბჭოეთის თითქმის ყველა ქალაქი - პეტერბურგი, კიევი, მინსკი, რიგა და ა. შ. 7-8 სპექტაკლი მიგვექონდა და სამი-ოთხი თვე ვრჩებოდით. დაუფიქრებია იქაური ემოციები, ოვაციები, შეფასებები“...

ისევ პოეტური პაუზის დრო დგება და დიმიტრი ჯაიანი გალაკტიონის „გურის მთებს“ კითხულობს. შემდეგ იგონებს იმ ადამიანებს, რომლებმაც მისი ცხოვრების გზა განსაზღვრეს.

„უმაღურობა საშინელებაა, მე ვარ კაცი, რომელიც უმაღურობას ვერასოდეს შეეგუება. თეატრალური ინსტიტუტში, რომელიც დავამთავრე, საშა მიქელაძე მყავდა პედაგოგად და ამის გამო უბედნიერესად ვგრძობდი ყოველთვის თავს. უაღრესად განათლებული ადამიანი ნუგზარ ლორთქიფანიძე იყო მისი ასისტენტი - ჩემი გამზრდელი.“

იქ იყო გურამ სალარაძე, რომელიც გასწავლიდა თუ არ გასწავლიდა, ამას მნიშვნელობა არ ჰქონდა; შოთა სხირტლაძე, ეთერ გუგუშვილი, ვასო კიკნაძე, ნადია შალუტაშვილი, იური ზარეცი, არ მინდა ვინმე გამომჩიოს“...

დიმიტრი ჯაიანს სხვა დროსაც არაერთხელ და დიდი სიამაყით უთქვამს, რომ მას სოხუმის თეატრის გარდა, სხვაგან არსად უმუშავებია და რომ ბედმა გაუღიმა, რომ ამ თეატრში მოხვდა გამორჩეული მსახიობებისა და რეჟისორების გვერდით. ეს ყველაფერი დღეს მისი უმთავრესი სიმდიდრეა.

„ჩემს დროს სოხუმში ჩამოვიდა რეჟისორი დავით კობახიძე, რომელსაც ორი შესანიშნავი



ზურაბი, გურამ ოდიშარიას „ზღვა, რომელიც შორია“, რეჟისორი თემურ ჩხეიძე

სეზონი ჰქონდა იქ. შემდეგ მოვიდა დათო ცისკარიშვილი, ვაჟკაცური პიროვნება. სამი წელი იმუშავა სოხუმის თეატრში მაესტრო იური კაკულიამ, რომელიც დღემდე სათანადოდ არ არის დაფასებული. მან იქ საოცარი სპექტაკლები დადგა, ოქროს ფონდში შეტანილი სპექტაკლები.

მერე სოხუმში სიტუაცია დაიძაბა... თქვეს, რომ იური კაკულიაზე უფრო დიპლომატი გოგი ქავთარაძეა და გოგი ჩამოიყვანეს. სოხუმის თეატრის ოქროს ხანაც მაშინ დაიწყო.

მე უბედნიერესი კაცი ვარ, ბედნიერ ვარსკვლავზე დაბადებული, რაც მინდოდა, ყველა როლი ვითამაშე. ზოგიერთი მსახიობი, ჩემზე ბევრად ნიჭიერი ოცნებობს როლზე და ვერ თამაშობს.

ქუდბედიანობაც ამას ჰქვია, ისეთ თეატრში მოვხვდი, როგორც სოხუმის თეატრია. როგორც სოხუმში იყო კაცების ქალაქი, ისე სოხუმის თეატრი იყო კაცების თეატრი. სოხუმელები მიმიხედებინ, რასაც ვამბობ. ჩემი გიზო სინარულიძე და ჩემი ბახა ბექაური, რომლებიც ცოცხლები არ არიან, სხვები და სხვები რომ გამოვიდოდნენ თეატრის შენობის წინ, ამით ყველაფერი ნათქვამი იყო“...

სამწუხაროდ, სოხუმის თეატრის სოხუმური ისტორია აქ დასრულდა და დაიწყო დევნილობის მძიმე წლები.

„თქვენ ყველამ იცით, რა გააკეთა რუსთაველის თეატრმა სოხუმის თეატრისთვის. რობერტ სტურუამ და თეატრის მთელმა დასმა თავიდანვე შეიღობა გულში ჩაიხუტა ჩვენი თეატრი და ცხრა წლის განმავლობაში სანაცვლოდ არანაირი საზღაური არ მოუთხოვიათ. ეს არის რობიკო სტურუას დიდი დამსახურება და ამის დავიწყებას ღმერთი არ მამატიებს“...

შეიძლება, ამ სათქმელს აგრძელებდა ან სულაც სხვას (თუმცა ახლა ამას მნიშვნელობა არ ჰქონდა) მუხრან მაჭავარიანის ლექსი:

„მატარებელიდან მოვკარი თვალი, მუხლამდე წყალში ბიჭები დგანან“... და მიუხედავად „მუხლამდე წყალში დგომისა“,

„სოხუმის თეატრი დღესაც ფეხზე დგას. საკუთარი ჭერის გარეშე დარჩენილი და წლების განმავლობაში ხან ვის და ხან ვის შეკედლებული თეატრის ცხოვრებაში კარგი სიახლეა: მას

უკვე აქვს სარეპეტიციო დარბაზი, თანაც მალე სოხუმის მოზარდ მსახურებელთა თეატრთან ერთად საკუთარი სცენაც ექნება. ეს ყველაფერი კი ერთი ადამიანის - აფხაზეთის მთავრობის თავმჯდომარის ვახტანგ ყოლბაიას მხარდაჭერითა და ძალისხმევით მოხდა“.

და დიმიტრი ჯაიანმა სცენაზე უხმო თავად ვახტანგ ყოლბაიას, რომელმაც ხაზი გაუსვა დიმიტრი ჯაიანის როგორც სამსახიობო ხელოვნებას, ისე მისი როგორც აფხაზეთის არ განათლებისა და კულტურის მინისტრის წვლილს ამ სამინისტროს განახლებისა და აღორძინების გზაზე.

„ბატონ დიმიტრიზე ძალიან ბევრის თქმა შეიძლება. თუმცა მასზე ისედაც ბევრს ამბობენ კადრები, სცენები სპექტაკლებიდან, რომლებსაც ჩვენ აქ ვუყურებთ. დღეს აქ ვერ ნახავთ აფხაზეთის სიმღერისა და ცეკვის ანსამბლ „აფხაზეთის“ მიერ შესრულებულ ცეკვებს, ვერ მოუსმენთ აფხაზეთის საგუნდო კაპელას, ვერ დათვალიერებთ ჩვენი მხატვრების ნამუშევრებს და ა. შ. რომელთაც დიმა თავისი მენეჯერული ნიჭით განსაკუთრებული ხიბლი შესძინა. თითქმის მსოფლიომ იცის, რომ ამასთან ერთად დღეს თბილისში არსებობს კონსტანტინე გამსახურდიას სახელობის სოხუმის სახელმწიფო დრამატული თეატრი და ამ ყველაფერს დიმიტრი ჯაიანის ცხოვრება და შემოქმედება ჰქვია.“

მე მას ახალგაზრდობიდან ვიცნობ, როცა ის სოხუმში (თეატრის გარდა) თითქმის ყველა ღონისძიებაზე, რაც იქ ტარდებოდა, გამოდიოდა და განსაკუთრებული ხიბლს სძენდა იქაურობას. ჩვენ აქაც ხშირად ვუყურებთ და ვტკბებით, როგორ იწვის იგი სცენაზე. სწორად გამიგებ და ყოველთვის მიკვირს, როგორ უძლებს ამდენ ემოციას, ამდენ გულწრფელობას მისი მტკივნეული გული.

ჩემო დიმა, შენ ხარ მართალი და მაღლიერებით საესე კაცი, გულით მოგაქვს სათქმელი ჩვენამდე და ალბათ, ამიტომაც გამოგდის ასე კარგად ყველაფერი. და მე, როგორც ერთმა ადამიანმა, მაღლობა მინდა გიხარა ამისთვის“.

დიმიტრი ჯაიანის ბენეფისს აფხაზეთის სიმღერისა და ცეკვის ანსამბლ „აფხაზეთის“ მიერ შესრულებული სიმღერები უფრო მეტ ემოციას მატებდა. ანსამბლის სამხატვრო ხელმძღვანელად ლევან ლვინჯილია სწორედ დიმიტრი ჯა-

იანის აფხაზეთის განათლებისა და კულტურის მინისტრობისას მოვიდა, რის შემდეგაც კიდევ უფრო დაიხვეწა ანსამბლის სამემსრულებლო ხელოვნება, გამდიდრდა რეპერტუარი, მოიმატა მისმა პოპულარობამ. ამდენად, ბუნებრივი იყო ლევან ლვინჯილიას გამოჩენაც სცენაზე:

„პოეზია, სიმღერა და ცეკვა - ქართველი კაცის სული და გულია. ქართული პოეზია - მეგრული, სვანური, ლაზური და ა.შ. პოეზიისგანაც შედგება და ჩვენ ახლა გვინდა მეგრული ლექსი წარმოგიდგინოთ. მეც ვუერთდები ზურაბ სოტილავეს გარდაცვალებით გამოწვეულ გულისტკივილს. ზურაბ სოტილავე სოფელ ოტობაიაში დაიბადა და ახლა აგრეთვე ოტობაიელი გური ოტობაიას ლექსს „გვიმარა“ (გვიმრა) წარმოგიდგენთ დიმა ჯაიანი ჩვენი ანსამბლის მიერ შესრულებული „ოუ, ნანას“ აკომპანემენტით.“

ამბობენ, სადაც ტყეებში გვიმრას უზარმაზარი ხეები სახლობენო, ჩვენთან კი ეს მცენარე პატარაა. ლექსის აზრი ასეთია: სალოცავი ხე იყავი და დაჩაივდი გვიმრად. ძალიან ძლიერი ფილოსოფიური სიღრმის ლექსია იმაზე, რაც ოდესღაც დიდებული იყო და მერე დაკნინდა. ჩემი აზრით, ეს არის ალფეგორია, დაახლოებით ვაჟას „არწივის“ დონის ალფეგორია. ლექსის ბოლოში პოეტი გვიმრას შესძახებს: ისევ აღსდები! ისევ გაიშალე! ისევ წამოიმართე! და ნახავთ როგორი სიძლიერითა და ოსტატობით შესძახებს ამას დიმიტრი ჯაიანი წარმოგვინის დროს“.

„... გემწოდით, გემწოფენგი, გემწოსოფი, გვიმარა...“
(ნამოდექი და რტოები ნამოხეთქე, გვიმარა!)

მართლაც, შთამბეჭდავად წარმოადგინა ეს შეძახილი დიმიტრი ჯაიანმა, რაც მაცურებლის ოვაციამაც ცხადყო.

ძნელია, როცა შენს მიერ გავლილ წლებს, შემოქმედებით ცხოვრებას აჯამებ და ამ პერიოდში შენს გვერდით მდგომ ადამიანებს იგონებ, ვინმე არ გამოგჩიოს, დიმიტრი ჯაიანსაც ჰქონდა ეს შიში.

„არ შემიძლია, არ გავიხსენო უბრწყინვალესი მაესტრო გიზო ჟორდანი, რომელიც მთელ საქართველოს დააკლდა. დაუფიქრებია მისი ჩამორბადნება სოხუმში, როცა ჩვენი თეატრის ახალი შენობა გაიხსნა და მას კონსტანტინე გამსახურდიას სახელი მივანიჭეთ. მაშინ გოგი ქავთარაძემ არაჩვეულებრივი შესტი გააკეთა, პირველი სპექტაკლის დასადგმელად უხმო გიზო ჟორდანიას, რომელმაც „მარადისობის კანონი“ დადგა, უბრწყინვალესი სპექტაკლი. სხვა თეატრებისგან განსხვავებით, მან აქ შემოიყვანა ვახო ამბოკაძის პერსონაჟი, რომლის განსახიერებაც მე მერგო წილად. ეს როლი შემდეგ ჩემს ერთ-ერთ უსაყვარლეს როლად იქცა. ბატონმა გიზომ მაშინ უდიდესი ზეიმი მოგვიწყო, როგორც მას ეს ჩვეოდა.“

ზემოთ ზურიკო სოტილავე ვახსენე, ის და გიზო ჟორდანი მეგობრები იყვნენ და მჯერა, ზეციურ საქართველოში აუცილებლად შეხვდებიან ერთმანეთს“.

შემდეგ დიმიტრი ჯაიანი ისევ დარბაზს ავლებს მზერას, ძალიან ბევრ ახლოებულ სახეს ვხედავო ამბობს და ზოგიერთს ჩამოთვლის კიდევ: ნუკრი ქანთარია, დათო საყვარელიძე, კოტე აბაშიძე... განსაკუთრებით კი ქალები ჭარბობენ და ერთ ლექსს საგანგებოდ მათ მივუძღვნილი.

ანსამბლმა „აფხაზეთმა“ „თუ ასე ტურფა იყავი, რად ვერ გამჩნევდი, ქალაო“... წამოიწყო, დიმიტრი ჯაიანმა კი რეზო ამამუკელის ლექსი „ნატობას აველ, შუაფხოს მზე ზანზალაკად ეკიდა“ ააყოლა...

ბენეფისი დასასრულს უახლოვდებოდა. მოსაგონარსა და მოსაფრებელს, აბა, ერთი სალამო როგორ ამოწურავდა, მაგრამ საყვარელ მაცურებელთან ვერც ეს შეხვედრა დამთავრდებოდა შოთა ნიშნაიანიძის „აფხაზური კანტატას“ გარეშე:

„ო, საქართველო, ბევრი კარგი შვილის გამზრდელი, ამორძალი ხარ, მკერდმოჭრილი უსაქართველოდ“...

ამ ლექსის წაკითხვისას დიმიტრი ჯაიანი ყოველთვის ბოლომდე იხარჯება და ასე იყო ახლაც.

ბენეფისის კულმინაციად მორის ფოცხიშვილის ლექსი „ფიცავ!“ იქცა:

როგორც არ უნდა მიჭირდეს!
როგორც არ უნდა მიხიზნდეს!..
სამშობლო! საქართველო!
შენი ერთგული ვიქნები!“

დიმიტრი ჯაიანის უმთავრესი სათქმელიც ამ ბენეფისზე (და საერთოდაც) ხომ ეს იყო....

აფხაზური ქნის ივრისი

იმისთვის, რომ „ერთად უღერდეს ჩონგური და აფხარცა“

ნიმო ბრიბოლია

აფხაზურ ენას საქართველოს კონსტიტუციით, აფხაზეთის ტერიტორიაზე, ქართულთან ერთად, მეორე სახელმწიფო ენის სტატუსი აქვს მინიჭებული. აქედან გამომდინარე, საქართველოს ხელისუფლება აფხაზური ენის წინაშე ვალდებულია მუდმივად გრძნობს და მის დაცვასა და განვითარებაზე ზრუნავს. სწორედ ამ თვალსაზრისით 2007 წლიდან აფხაზური ენის დღედ 27 ოქტომბერი დაინიშნა. აფხაზეთის ავტონომიური რესპუბლიკის მთავრობა აფხაზეთის არ განათლებისა და კულტურის სამინისტროსთან და აფხაზეთის საჯარო სკოლებთან ერთად ყოველწლიურად კვირეულის სახით, მასშტაბურად ემზადება ამ თარიღს. წლეულსაც ასე იყო.



აფხაზეთის ავტონომიური რესპუბლიკის მთავრობის მილოცვა

აფხაზეთის ავტონომიური რესპუბლიკის მთავრობა ენის დღეს ულოცავს აფხაზ თანამემამულეებს და სრულიად საქართველოს. ენა - თვითგამოხატვის ერთ-ერთი უმთავრესი საშუალებაა და მისი მოვლა-პატრონობა ყველა ჩვენგანის ვალია. სწორედ ამიტომ არის, რომ საქართველოს მთავრობა სახელმწიფო რანგში აყვანილი პოლიტიკის ფარგლებში იცავს და ზრუნავს საქართველოში არსებული ნებისმიერი ენის განვითარებაზე, რითაც კაცობრიობის ინტელექტუალურ საგანძურში არც თუ ისე მოკრძალებული წვლილი შეაქვს.

აფხაზეთის №2 საჯარო სკოლაში

თბილისში, ჯუმბერ ბეთაშვილის სახელობის აფხაზეთის №2 საჯარო სკოლაში აფხაზური ენის კვირეულის პირველ დღეს ქართული ენისა (ლელა თოდუა) და აფხაზური ენის (დარეჯან თაყაიშვილი) პედაგოგებმა მოსწავლეებთან ერთად გამართეს დისკუსია თემაზე „ქართული და აფხაზური ლიტერატურული ნაწარმოებების შედარებითი ანალიზი“. მათ ისაუბრეს ქართველ მწერლებზე, რომელთა ნაწარმოებებში აღწერილია ქართულ-აფხაზური ტრადიციები (ა.კ. წერეთლის „გამზრდელი“, ლ. ქიაჩელის „ჰაკი აძბა“, კ. გამსახურდიას „მთვარის მოტაცება“, შ. ნიშინიანის „აფხაზური კანტატა“). ამავე დროს მოსწავლეებმა წაიკითხეს ვაჟა ფშაველას ლექსები აფხაზურ ენაზე.



დასკვნითი საღამო

დღემთა გულიას ძეგლის ყვავილებით შემკობის შემდეგ ყველამ ერთად გადაინაცვლა აფხაზეთის განათლებისა და კულტურის სამინისტროში, ვალერი არქანიას არტ გალერეაში, სადაც აფხაზური ენის კვირეულის დასკვნითი საღამო გაიმართა.

და განვითარების სახელმწიფო პროგრამის განხორციელების მიზნით მემორანდუმს ხელი მოაწერეს საქართველოს განათლებისა და მეცნიერების მინისტრმა ალექსანდრე ჯეჯელავამ და შერიგებისა და სამოქალაქო თანასწორობის საკითხებში საქართველოს სახელმწიფო მინისტრმა ქეთევან ციხელაშვილმა.

„საუბრები აფხაზურ ფოლკლორზე“ - (აფხაზური ხალხური სიმღერებისა და საკრავების მაგალითზე) - ამ თემით გაგრძელდა აფხაზეთის მეორე საჯარო სკოლაში აფხაზური ენის კვირეული. სკოლის მუსიკის პედაგოგმა ზურაბ კვერნაძემ ვრცლად ისაუბრა აფხაზური ფოლკლორისა და აფხაზური ხალხური საკრავების მნიშვნელობაზე, მათი შექმნის ისტორიაზე და მოსწავლეების მიერ დასმულ შეკითხვებს უპასუხა. შეხვედრის ბოლოს მოსწავლეებმა აფხაზური ხალხური სიმღერები შეასრულეს.

მხარეები შეთანხმდნენ, რომ ერთიანი ძალისხმევით იზრუნებენ აფხაზური ენის დაცვის, შენარჩუნების, განვითარებისა და პოპულარიზაციისთვის. ასევე ხელს შეუწყობენ შესაბამის საკითხებზე მომუშავე ქართველი და აფხაზი სპეციალისტებისა და პროფესიული ჯგუფების თანამშრომლობასა და ორმხრივი ნდობის პროექტების განხორციელებას.

აფხაზეთის №7 საჯარო სკოლაში

აფხაზური ენის კვირეული სენაკში, თემურ ბოკუჩავას სახელობის აფხაზეთის N7 საჯარო სკოლაში აფხაზური ენის სწავლების მნიშვნელობაზე საუბრით გაიხსნა. ეს სკოლა ერთ-ერთი იმთავანია, სადაც საშუალო საფეხურის მოსწავლეები აფხაზურ ენას ეუფლებიან. მოსწავლეებმა კვირეულის ფარგლებში წარმოადგინეს ლიტერატურული კომპოზიცია - „ერთად უღერდეს ჩონგური და აფხარცა“. კომპოზიცია მოიცავდა ქართველი პოეტების აფხაზეთისადმი მიძღვნილ ლექსებსა და სკოლის ქორეოგრაფიული ანსამბლის მონაწილეობით შესრულებულ აფხაზურ და ქართულ ცეკვებს. მათ ასევე აფხაზური ენის კვირეულის დახურვასთან დაკავშირებით აფხაზურ ენაზე წარმოადგინეს აკაკი წერეთლის „გამზრდელი“ მიხედვით დადგმული მინი-სპექტაკლი. სპექტაკლს მონაწილეობა მიიღეს სტუმრები ესწრებოდნენ.

მემორანდუმის ხელმოწერას აფხაზეთის ავტონომიური რესპუბლიკის მთავრობის თავმჯდომარის მოვალეობის შემსრულებელი ვახტანგ ყოლბაია, აფხაზეთის ავტონომიური რესპუბლიკის უმაღლესი საბჭოს თავმჯდომარე ელგუჯა (გია) გვაზავა, აფხაზეთის არ განათლებისა და კულტურის მინისტრი დიმიტრი ჯაიანი, აფხაზური ენის კვლევით დაინტერესებული სასწავლო და სამეცნიერო დაწესებულებების, არასამთავრობო ორგანიზაციებისა და სხვადასხვა სამთავრობო სტრუქტურის წარმომადგენლები ესწრებოდნენ.



დღემთა გულიას ძეგლთან

27 ოქტომბერს, ტრადიციისამებრ, აფხაზური ლიტერატურისა და ისტორიოგრაფიის ფუძემდებლის დიმიტრი გულიას ძეგლი ყვავილებით შეამკეს და მის ხსოვნას პატივი მიაცხადეს აფხაზეთის ავტონომიური რესპუბლიკის მთავრობის თავმჯდომარის მოვალეობის შემსრულებელმა ვახტანგ ყოლბაიამ, აფხაზეთის ავტონომიური რესპუბლიკის უმაღლესი საბჭოს თავმჯდომარე ელგუჯა (გია) გვაზავამ, შერიგებისა და სამოქალაქო თანასწორობის საკითხებში სახელმწიფო მინისტრის პირველმა მოადგილემ პეტრე კანკავამ, აფხაზეთის არ განათლებისა და კულტურის მინისტრმა დიმიტრი ჯაიანმა, პროფესორმა და აფხაზოლოგმა თეიმურაზ გვანცელაძემ, აფხაზეთის ავტონომიური რესპუბლიკის მთავრობის წევრებმა, უმაღლესი საბჭოს დეპუტატებმა, სოხუმის სახელმწიფო უნივერსიტეტის სტუდენტებმა.

აფხაზური ენის დაცვისა და განვითარების სახელმწიფო პროგრამა

საქართველოს პრემიერ მინისტრის გიორგი კვიციანიშვილის 27 ოქტომბრის განცხადების პასუხად, იმდღესვე აფხაზური ენის დაცვისა



აფხაზეთის საჯარო სკოლის მოსწავლეებმა დიმიტრი გულიას ძეგლთან აფხაზურ ენაზე ლექსები წაიკითხეს.



„მასწავლებლები კონსტიტუციაზე“, - ასე ერქვა ესეების კონკურსს, რომელიც საგანმანათლებლო პორტალმა EDU.ARIS.GE საქართველოს პრეზიდენტის სარეზერვო ფონდის მხარდაჭერით ჩაატარა. ესეების კონკურსის მიზანი იყო მასწავლებელთა დაინტერესება და მათი ინფორმირებულობის გაზრდა საკონსტიტუციო რეფორმისა და კონსტიტუციაში შესატანი ცვლილებების შესახებ. კონკურსში მონაწილეობდა 200-ზე მეტი მასწავლებელი, რომელთაგან გამარჯვებულად გამოცხადდა 16 პედაგოგი. გამარჯვებულთა შორის არის ნანა ჯალალონია, აფხაზეთის მეორე საჯარო სკოლის დირექტორი.

საქართველოს პრეზიდენტის სასახლეში გაიმართა საზეიმო შეხვედრა, რომელზეც საქართველოს პრეზიდენტმა ბიძინა ივანიშვილმა პედაგოგებს გამარჯვება მიულოცა და პირადად დააჯილდოვა. „წლებანდელი წელი მე განათლების წლად გამოვაცხადე და ამითაც მნიშვნელოვანია, რომ ჩვენი განათლების სისტემის საფიქრალი და სამსჯელო საკითხი გახდა ასევე პოლიტიკურად უმნიშვნელოვანესი თემა - კონსტიტუციის გააზრება. მადლობას გიხდით ამ სამუშაოსთვის, იმედი მაქვს, რომ ეს სულისკვეთება არ დარჩება მხოლოდ პედაგოგებში, არამედ გადავა ასობით და ათასობით თქვენს მოსწავლეზე, გადავა საზოგადოებაში და ჩვენი სახელმწიფო იმით იქნება ძლიერი, რომ ჩვენ ყველა ერთი კანონით, ერთი წესით, ამ ერთი წესის ერთგულებითა და პატივისცემით ვიცხოვრობთ“, - აღნიშნა საქართველოს პრეზიდენტმა.

კონკურსანტების ნამუშევრები სპეციალურმა ჟიურმა შეაფასა. ვულოცავთ ნანა ჯალალონიას ამ წარმატებას და გთავაზობთ მის ესეს.



მასწავლებლები კონსტიტუციაზე

ნანა ჯალალონია,
აფხაზეთის მეორე საჯარო სკოლის დირექტორი.

ქვეყნის კონსტიტუცია უზენაესი კანონია ჩვენი თანამედროვეობისა და მომავლისათვის. მომავალი კი ჩვენი ბავშვებია. ერთი შემთხვევის შესახებ მინდა მოგიყვებო... იმ დღეს ჩვეულებრივად შევედი საკლასო ოთახში მორიგი გაკვეთილის ჩასატარებლად. ვიცოდი, რომ კლასში ოკუპირებული აფხაზეთიდან გადმოსული ახალი მოსწავლე და მხვდებოდა. მოსწავლეებმა ქართული ენის წიგნები გადაშალეს. შევამჩნიე, რომ ლურჯთვალა გოგონამ არაბუნებრივი სიფრთხილით ამოიღო ჩანთიდან ქართული ენის წიგნი. მოსწავლეები გოგონას წინაშე თავს იწონებდნენ ქართული ენის ცოდნით. ლურჯთვალეებს საოცარად მეტყველ სახეზე ერთდროულად გაცეცხა, სიფრთხილე, შიში იკითხებოდა. კარი დაგვიანებულმა მოსწავლემ შემოაღო... ლურჯთვალა გოგონამ წამებში წიგნი გადაამალა...

დასრულდა გაკვეთილი. დავრჩით კლასში მე და ის... ჩემ წინ იდგა განსაცდელგამოვლილი „დიდი“ გოგონა, რომელიც ბავშვური გულწრფელობით, ალაღად, ყოველგვარი შელამაზების გარეშე მიყვებოდა, თუ როგორ უკრძალავენ ოკუპირებულ აფხაზეთში მას და მის თანატოლებს ქართულად საუბარს... სასკოლო და სკოლისგარეშე მხატვრული ლიტერატურის კითხვას... თამაშს... თუ როგორ ახერხებენ მასწავლებლები პატარებისთვის ქართული ანბანის, ხოლო მოზარდებისთვის სხვადასხვა ქართველი მწერლის ნაწარმოებების გაცნობას... ბავშვურად მიყვებოდა დიდ გასაჭირზე და თითქოს ცდილობდა გამყოფი ხაზის იქით დარჩენილი თანატოლების სათქმელი თავად გადმოეცა. რატომღაც დამნაშავედ ვიგრძენი თავი...

უსიტყვოდ გამოვედი საკლასო ოთახიდან. მანძილი ჩემს სამუშაო ოთახამდე უსასრულოდ გაიზარდა... საკუთარ თავთან მარტო დარჩენილს უნებურად ჩემი წარსული გამახსენდა... მე ვიცი, როგორი ძნელია საზღვრისპირა სოფელში ცხოვრება... განათლების მიღება... როგორი განცდაა სწავლას მოწყურებული მოსწავლეების მიერ კილომეტრების გავლა თოვლში, წვიმაში, ქარში... ისე, რომ უწევდათ სამხედრო პუნქტის გავლა... „გამყოფი ხაზის“ გადაკვეთა წლების განმავლობაში ყოველ დღით... როგორი უსასრულოა ლოდინი - როდის შემოაღებენ მეგობრები საკლასო ოთახის კარს... დაავადებებით და ხვდები, რომ მათ თავისუფლად გადაადგილების უფლება არ მისცეს, წარმოიდგენ, რომ ისინი ე.წ. სასაზღვრო გამშვებ პუნქტთან მესაზღვრეების მიერ დასმულ კითხვებს ბავშვური ლოგიკით პასუხობენ: რას სწავლობენ? რისთვის სწავლობენ? როგორი შეგრძნებაა, თავად ბავშვმა მიაცილო მეგობრები ე.წ. გამყოფ ხაზამდე... იდგე ერთ მხარეს გაქვავებული... შეშინებული... გაცეცხილი... თვალს არ აცილებდე თანატოლებს, რომლებსაც მეორე მხარეს მშობლები ელოდებიან, მაგრამ სანამ მათთან მივლენ, კვლავაც როგორ „უშიშრად“ პასუხობენ ჯარისკაცების კითხვებს - რა ისწავლეს? რისთვის ისწავლეს?... რატომ სწავლობენ ქართულად?... ეს ჩემი და ჩემი მეგობრების ბავშვობაა... ჩვენი წარსულის რეალობა...

სამწუხაროდ, მართალია სხვადასხვა დროში, მაგრამ არის მსგავსება ამ ორ ისტორიას შორის, დღევანდელ რეალობასა და წარსულს შორის... მიუხედავად აფხაზეთის ა/რ მთავრობის, აფხაზეთის ა/რ უმაღლესი საბჭოს, აფხაზეთის ა/რ განათლებისა და კულტურის სამინისტროს მხრიდან მუდმივი

ყურადღებისა და მზრუნველობისა, ეს საკითხი მაინც დგას. ვფიქრობ, რომ ეს ლოკალური - ოკუპირებულ აფხაზეთში მდებარე მხოლოდ ერთი სკოლის პრობლემა არ არის! ეს საერთო კრიზისია იქ დარჩენილი ქართველი ახალგაზრდების, იქ არსებული ქართული სკოლების, სადაც ქართულად სწავლა-განათლება აკრძალულია.

თუ კონსტიტუციის მიხედვით „ადამიანის უფლება დაცულია“ და „ყველას აქვს განათლების მიღებისა და მისი ფორმის არჩევის უფლება“, მაშ, რატომ აქვთ იქ დარჩენილ ახალგაზრდებს მშობლიურ ენაზე განათლების მიღების უფლება აკრძალული? მაშინ, როდესაც ჩვენთან, სკოლებში ისწავლება აფხაზური ენა, როგორც საგანი; მაშინ, როდესაც ქართველების მიერ კონტროლირებად ტერიტორიაზე აფხაზებს არაფინ სთხოვს ქართულ ენაზე საუბარს.

მიმაჩნია, რომ აღნიშნული პრობლემა უნდა იყოს ყველა საერთაშორისო შეხვედრის ერთ-ერთი ძირითადი განსახილველი საკითხი; ორივე მხარემ უნდა გაიზაროს, რომ ნიჭს, განათლებას, კულტურას არ აქვს საზღვრები; ვფიქრობ, უპრიანი იქნებოდა, კონსტიტუციაში, იქ სადაც განათლებას ვეხებით, ისეთი ჩანაწერის არსებობა, რომელიც სკოლებს (განსაკუთრებით აფხაზეთის საჯარო სკოლებს), უფლებამოსილს გახდოდა, ეფიქრა აფხაზეთის ოკუპირებულ ტერიტორიაზე არსებულ, მათ შორის, აფხაზურ სკოლებთან დამეგობრებაზე, რომლის მიზანიც ახალგაზრდების ჩართულობა, განათლების, კულტურის, სხვადასხვა სფეროში მიღწევების, ერთმანეთის ტკივილისა თუ სიხარულის ურთიერთგაზიარება იქნებოდა.

საუნივერსიტეტო დიპლომატიის გზით...

მაია შონია

სოხუმის სახელმწიფო უნივერსიტეტს 85 წელი შეუსრულდა. დევნილი უნივერსიტეტი უკვე 23 წელია საქართველოს დედაქალაქ თბილისშია განთავსებული. მას ახალი სასწავლო წლიდან ახალი რექტორი ხელმძღვანელობს - პოლიტიკურ მეცნიერებათა დოქტორი ზურაბ ხონელიძე. ვაზეთ ჩემი აფხაზეთთან ინტერვიუში რექტორს უნივერსიტეტის განვითარების მისიასა და სტრატეგიაზე საუბარი ვთხოვეთ.



ზურაბ ხონელიძე:

- საქართველოში არის 75 უმაღლესი სასწავლებელი, 32 უნივერსიტეტი, მათ შორის 12 საჯარო სამართლის იურიდიული პირი, რომელთაგან ერთ-ერთია სოხუმის სახელმწიფო უნივერსიტეტი. თუმცა მას შეუძლია იყოს ერთადერთი არა მხოლოდ ჩვენს ქვეყანაში ან რეგიონში, არამედ საუნივერსიტეტო გლობალურ სივრცეში, რასაც განაპირობებს მისი ბედისწერა, მისი დღევანდელი მდგომარეობა.

ტერიტორიული მთლიანობის დარღვევისას ჩამოყალიბდა სოხუმის ორი უნივერსიტეტი: ერთი სოხუმში და მეორე დევნილობაში - თბილისში. ბუნებრივია, ჩნდება კითხვა, დღეს რამდენად ასრულებს უნივერსიტეტი მასზე დროის მიხედვით დაკისრებულ მისიას? დევნილობაში შესაძლებელია იყვნენ ადამიანები, ერები... მაგრამ დევნილობაში მყოფი უნივერსიტეტი მხოლოდ საქართველოშია. თბილისში დამკვიდრება არ იყო მარტივი პროცესი. მადლობა იმ ადამიანებს, რომლებმაც წლების განმავლობაში ეს მოახერხეს. თუმცა დღეს უნივერსიტეტი სრულიად სხვა გამოწვევების წინაშე დგას; მისი ინფრასტრუქტურა, მატერიალურ-ტექნიკური ბაზა არ შეესაბამება დროის მოთხოვნებს, იგივე შეიძლება ითქვას, აკადემიური პერსონალისა და ადმინისტრაციის გარკვეული ნაწილის შესახებ. უნდა მოხდეს გაცნობიერება იმისა, რომ სოხუმის სახელმწიფო უნივერსიტეტის განვითარება მხოლოდ უნივერსიტეტის საზრუნავი არ არის, რადგან ტერიტორიული მთლიანობის აღდგენა სწორედ უნივერსიტეტიდან უნდა დაიწყოს, რაც მაძლევს იმის თქმის საფუძველს, რომ უნივერსიტეტი ქართულ საგანმანათლებლო სივრცეში აუცილებლად დაიმკვიდრებს ღირსეულ ადგილს.

განათლებისა და მეცნიერების სამინისტროსთან ერთად უკვე ვდგამთ კონკრეტულ ნაბიჯს და ვქმნით ორ ცენტრს. პირველი - ეს არის აფხაზეთის ენის, ეთნოლოგიის, ეთნოგრაფიის, არქეოლოგიის, ისტორიის, ნუმისმატიკის და აფხაზეთთან დაკავშირებული ყველა საკითხის შემსწავლელი ძლიერი ცენტრი და მეორე - ეს იქნება კონფლიქტოლოგიისა და რეგიონული პოლიტიკის საერთაშორისო ცენტრი. ჩვენი ერთ-ერთი მთავარი ამოცანა ასევე საუნივერსიტეტო ცხოვრების ინტერნაციონალიზაციაა. ამის აუცილებლობაც არის და შესაძლებლობაც არსებობს.

სერიოზული ურთიერთობა გვაქვს საქართველოში აკრედიტებულ დიპლომატიურ კორპუსთან, საერთაშორისო, მათ შორის დონორ ორგანიზაციებთან. მათი ინტერესი ჩვენი უნივერსიტეტის მიმართ დღითიდღე იზრდება და საუნივერსიტეტო ცხოვრებაში ჩართვის მზაობა აქვთ. ასევე გვინდა საუნივერსიტეტო ცხოვრების ახალი მიდგომის დანერგვა, რაც ჩვენს სამეცნიერო და სააზროვნო ენად ტერმინ „სამშვიდობო ენის“ დამკვიდრებას გულისხმობს. საუბარია უნივერსიტეტის არსზე, ხოლო ინფრასტრუქტურა, ახალი ლაბორატორიები, ე. წ. გონიერი დაფები იქნება, თუმცა, ეს ყველაფერი არ არის საკმარისი მის წინაშე მდგარი მისიის შესასრულებლად. აქ სასწავლო მოდულიც კი მორგებული უნდა იყოს აფხაზეთს. ყველაფერი გამომდინარეობს და ბრუნავს სწორედ აფხაზეთის თემის ირგვლივ.

- როგორც ცნობილია, გარკვეული გეგმები გაქვთ აფხაზეთში მცხოვრებ მეცნიერებთან ურთიერთობის თვალსაზრისითაც. საინტერესოა, როგორ აპირებთ ამის განხორციელებას?

- ბუნებრივია, „მშვიდობის მშენებლობის“ ფორმატში აუცილებელია აკადემიური და საგანმანათლებლო პოტენციალის გამოყენება, ეს იქნება თბილისში თუ სოხუმში. იგულისხმება „საუნივერსიტეტო დიპლომატია“. ასევე არსებობს „სახალხო დიპლომატია“, აქტუალური და მისაღებია გაეროს მიერ აღიარებული „სამეცნიერო დიპლომატია“, მაგრამ ჩვენ უფრო სიღრმისეულად ვუყურებთ პრობლემას და ამიტომ „საუნივერსიტეტო დიპლომატიის“ მიმართულებით წავალთ თავისი არსიდან და

სპეციფიკიდან გამომდინარე. მართლაც უნდა ვიყოთ ისტორიის წინაშე და თვალი გავუსწოროთ რეალობას. თავის დროზე (1989 წელს) აფხაზეთის უნივერსიტეტის გაყოფა (არაფერს ვამბობ მიზეზებზე), იყო არა ქართული ან აფხაზეთის მხარის, არამედ უცხო ქვეყნის გამარჯვება. ეს იყო აფხაზეთის და საქართველოს უახლეს ისტორიაში ერთ-ერთი ყველაზე დიდი მარცხი. სისხლისღვრა და დაპირისპირება, რაც ამ პროცესს მოჰყვა, იყო არა ჩვენი შორის, არამედ ჩვენი წინააღმდეგ. აღარავის სურს ომი, დაპირისპირება, ნგრევა, ჩვენ გვსურს მშვიდობიანი ხვალისდელი დღე ჩვენი შეილებსათვის. მჯერა, რომ ახლა გვაქვს საერთო მიზანი, რომელიც უნდა მოემსახუროს საერთო კეთილდღეობას. გვაქვს საერთო საქმე, რომლის დაძლევა ცალკე ვერ მოხერხდება, რადგან ქართველები და აფხაზები ერთ მცირერიცხოვანი ერები და გლობალიზაცია გარკვეულ საფრთხეს გვიქმნის. მე მესმის, ეს რამხელა სირთულეა, განსაკუთრებით აფხაზეთისთვის, რადგან ჩვენ გაცილებით მეტი მეგობარი, მხარდამჭერი, პარტნიორი და დამცველი გვყავს საერთაშორისო ასპარეზზე, ვიდრე მათ. ამიტომ გადარჩენის გზა ჩვენს ერთობაშია. მით უფრო დღეს, როდესაც აფხაზეთი ენა-იდენტობა ნამდვილად არის საფრთხის წინაშე. რაც უფრო მალე მივხვდებით და გავიზრებთ ამას, მით უკეთესი იქნება ხვალისდელი დღე.

- როგორ წარმოგიდგენიათ აფხაზოლოგიისა და კონფლიქტოლოგიის ცენტრების მუშაობა? არსებობს თუ არა ამის თუნდაც საკადრო რესურსი? სამწუხაროდ, აფხაზეთის ენის სპეციალისტებიც არც ისე ბევრი გვყავს.

- ეს რესურსი არაა ჩვენში, ენგურს გაღმაც დეფიციტია, მაგრამ ეს არ ნიშნავს, რომ ნაბიჯები არ გადავდგამთ და არ აღვზარდით აფხაზეთის ენისა და ლიტერატურის სპეციალისტები. ამ ეტაპზე მაქსიმალურად უნდა გამოვიყენოთ არსებული რესურსი. აფხაზეთი ენა არის ჩვენი მეორე სახელმწიფო ენა აფხაზეთის ტერიტორიაზე, რომლის წინაშეც მხოლოდ ქართულ სახელმწიფოს აკისრია დაცვის კონსტიტუციური ვალდებულება. რაც შეეხება კონფლიქტოლოგიის საერთაშორისო ცენტრს, ამ შემთხვევაში, მიმართა, რომ აუცილებელია მიზეზის კვლევა და არა შედეგთან ბრძოლა, რასაც დღემდე ვაკეთებთ. თუ ვინდა, სხვა შედეგი დადგეს, ომის წარმოქმნის მიზეზები უნდა ვიკვლიოთ. პრობლემა მხოლოდ 90-იან წლებში არ გაჩენილა. მოდით, ვალიართ, რომ უახლეს ისტორიას არ ვიცნობთ და ამავდროულად გვემინია, რომ მას თვალი გავუსწოროთ. ძალიან ხშირად, შეცდომის დაშვების შიშით, სიახლის დანერგვას ვერიდებით. ეს მაშინ, როდესაც დრო სწორედ ჩვენს წინააღმდეგ მუშაობს. არის თემები, რომლებიც არ საჭიროებენ ხმამაღლა

ამ საკითხს აუცილებლად დავაკონკრეტებთ, კონკრეტულ ნაბიჯებსაც იხილავს საზოგადოება და არსებულ ნიჰილიზმსაც ნელ-ნელა საფუძველი გამოეცლება.

- საკმაოდ ამბიციური გეგმაა. როგორ წარმოგიდგენიათ თავად უნივერსიტეტის განვითარება და მომავალი?

- უნივერსიტეტი დიდი მხარდაჭერით სარგებლობს საქართველოს განათლებისა და მეცნიერების სამინისტროს, საქართველოს მთავრობის თავმჯდომარის, საგარეო საქმეთა სამინისტროს, ქალაქის მერიის და სხვა სტრუქტურების მხრიდან. მაგრამ ხაზგასმით ვამბობ, რომ უნივერსიტეტი არის აპოლიტიკური ორგანიზაცია. მისი დღევანდელი მენეჯმენტი არ წარმოადგენს არც ერთ პოლიტიკურ პარტიას თუ დაჯგუფებას. მე უნივერსიტეტში სახელმწიფოს წარმოვადგენ და სახელმწიფოში ჩვენს უნივერსიტეტს.

- რას გულისხმობთ უნივერსიტეტის აფხაზეთთან ყველაზე ახლოს მდებარე სემეგრელოს რეგიონთან დაახლოებაში?

- სოხუმის უნივერსიტეტი ენგურს გამოემა მხოლოდ თბილისში არსებობს. თბილისში ის აუცილებლად უნდა არსებობდეს როგორც ერთ-ერთი ყველაზე წარმატებული სასწავლებელი - აფხაზეთისა და ქართველების ერთობისა და ძმობის სახე. მაგრამ უნივერსიტეტის გარკვეული ნაწილი შესაძლებელია აფხაზეთთან, სოხუმთან ტერიტორიულად ყველაზე ახლოს მდებარე რეგიონში, ზუგდიდში იყოს წარმოდგენილი. ეს უნივერსიტეტის იქ გადასვლას ან გაყოფას არ გულისხმობს. პირიქით, უნივერსიტეტი თბილისში უნდა გაძლიერდეს, მაგრამ სამეგრელოში აუცილებლად უნდა შეიქმნას მისი ფილიალი. ყველა შემთხვევაში, ეს მოხდება ერთი საუნივერსიტეტო ქოლგის ქვეშ. ჩვენი უნივერსიტეტის ზუგდიდში დამკვიდრება აფხაზი ძმების, ახალგაზრდების, სტუდენტების ინტეგრაციის საშუალებას მოგვცემს. გასაღებზე როცა ვლაპარაკობთ, ის სხვაგან კი არა, ჩვენში უნდა ვეძებოთ და ეს გასაღები გეოგრაფიულად სამეგრელოშია.

- იქნება თუ არა იმის შესაძლებლობა, რომ აფხაზეთიდან გადმოსულმა აფხაზმა სტუდენტებმაც ისწავლონ ზუგდიდში?

- დარწმუნებული ვარ, ამის შესაძლებლობა იქნება და მას გააჩნის არა რექტორი, არამედ ქართული სახელმწიფო და ხელისუფლება, ის სამოქმედო გეგმა და პროგრამა, რომელიც აქვს მთავრობას და გულისხმობს განსაკუთრებულ პრივილეგიებს, გაცვლით პროგრამებს და სხვა სახის პროექტებს ჩვენი, მათ შორის აფხაზეთში მცხოვრები ახალგაზრდებისათვის.



საუბარს; თუმცა აუცილებელია ორი მიმართულებით მუშაობა - საერთაშორისო ველის გააქტიურება და იქ, სადაც აფხაზეთის საკითხი განიხილება, „საუნივერსიტეტო დიპლომატიის“ ამოქმედება; „დიპლომატი“ უნდა მონაწილეობდნენ ის ადამიანები, რომლებიც ასოცირდებიან მეცნიერებასთან, განათლებასთან, კულტურასთან. სოხუმის ორი უნივერსიტეტი - ეს არის ორი ნაპირი ხიდისათვის და დიალოგს დღეს ალტერნატივა არ აქვს.

ინტენსიურად ვხვდები ჩვენს სტუდენტებს. მათ ძალიან საინტერესო ინიციატივები და პროექტები აქვთ, რომელთაც მხარს აუცილებლად დაუჭერ. საერთაშორისო ფორმატში უნდა იყოს წარმოდგენილი თბილისში და სოხუმში მდებარე უნივერსიტეტები. უნივერსიტეტებს კი წარმოადგენენ რექტორები. ამ ფორმატში ჩვენს ჩართვას აზრი ექნება ერთადერთ შემთხვევაში, თუ პროცესში სოხუმში არსებული უნივერსიტეტის რექტორი, ბატონი ალექსანდრე გვარამია ჩაერთვება. მე მას პირადად ვიცნობ, ძალიან დიდ პატივს ვცემ და მან ამ პრობლემისადმი ჩემი განწყობისა და დამოკიდებულების შესახებაც ყველაფერი იცის. ამაზე მეტს ამ ეტაპზე ვერაფერს ვიტყვი ერთი მიზეზის გამო - ჩვენ უნდა გავაჯანსაღოთ ჩვენი ურთიერთობა და არა საფრთხე შევუქმნათ მას. მომავალში

- უნივერსიტეტის აფხაზეთის რეგიონთან სიახლოვის იდეა სახელმწიფოს მხრიდან მხარდაჭერილია?

- ნებისმიერი იდეა, რომელიც ხელს შეუწყობს ქართული სახელმწიფოს გაჯანსაღებას და აფხაზეთსა და ქართველებს შორის ჩატვირთილი ხიდის აღგენას, სახელმწიფოს მიერ მხარდაჭერილია.

- რამდენად დიდია ამ გეგმების განხორციელების რესურსი და არსებობს თუ არა ამისთვის მეორე მხარის მზაობა?

- რესურსი რომ არ იყოს, ამ ლაპარაკს აზრი არ ექნებოდა. არ გვაქვს უფლება, უნივერსიტეტი რეგრესისაკენ წავიდეს. მას სიცოცხლე კი არ უნდა გავუხანგრძლივოთ, ახალი სიცოცხლე უნდა შევძინოთ, რეგიონული ფუნქცია უნდა მივცეთ ამ ორი კვლევითი ცენტრის შექმნით. ნიუტონი ბრძანებს - ადამიანები ბევრ კედელს და ცოტა ხიდს აშენებენო. კედელი, რომელიც გვაშორებს, უნდა შევცვალოთ ხიდით, რომელიც ერთმანეთთან დაგვაკავშირებს. ჩვენი უნივერსიტეტის ერთ-ერთი მთავარი მისია, გარდა საგანმანათლებლო მისიისა, სწორედ ესაა და ეს მისია შედგება, თუ ყველა თავის ადგილზე იქნება. მიმართა, რომ ვარ იქ, სადაც უნდა ვიყო.

წებელდის ძეგლები ნადგურდება!

ბიორბი კობახიძე

თანამედროვე აფხაზეთის ტერიტორიაზე მდიდარი ისტორიულ-კულტურული მემკვიდრეობა შემორჩენილი, რომელიც საქართველოს კულტურული მემკვიდრეობის ორგანულ ნაწილს წარმოადგენს.

აფხაზეთის ოკუპირებულ ტერიტორიაზე მდებარე კულტურული მემკვიდრეობის უნიკალური ძეგლების უმრავლესობას სერიოზული საფრთხე ემუქრება, რადგან აქ ქართული ისტორიულ კვალს მიზანმიმართულად შლიან.

რუსეთის მიერ აფხაზეთის ოკუპაციის შემდეგ ამ ტერიტორიაზე შავი არქეოლოგიის და რესტავრაციის საფარველში არაერთი ქართული ისტორიული ძეგლი განადგურდა, ძირითადად ეკლესიები და თავდაცვითი ნაგებობები. თითქმის არ დარჩენილა ადრეული შუასაუკუნეების და გვიანი პერიოდის მნიშვნელოვანი ძეგლები მსახვრალი ხელი რომ არ შეხებოდეს.

განსაკუთრებით, აღსანიშნავია გაერთიანებული საქართველოს სიმბოლოდ ქცეული ბაგრატ III-ის მიერ 999 წელს აგებული ბედიის ეკლესიის უნუგეშო მდგომარეობა. უნებართვოდ ჩატარებულმა რესტავრაციებმა შეინარეს ამ ეკლესიაში დაცული გაერთიანებული საქართველოს პირველი მეფის ფრესკა და ძველი ქართული წარწერები. დაზიანდა და გაიძარცვა ბაგრატ III-ის საფლავიც.

ასევე დაზიანდა აფხაზეთის ტურისტულ ზონაში არსებული სხვა ეკლესია-მონასტრები. აფხაზეთის ავტონომიური რესპუბლიკის ტერიტორიაზე ქართული და ზოგადასაკაცობრიო კულტურული მემკვიდრეობის მიზანმიმართულმა განადგურებამ პიკს წლევანდელი წლის დასაწყისში მიაღწია.

2017 წლის 3 იანვარს რუსეთის ფედერაციის სამხრეთის ოლქის სამხედრო პოლიგონის მოსაწყობად საქართველოს ისტორიულ-გეოგრაფიულ რეგიონ წებელდაში (თანამედროვე გულრიფშის რაიონი) მდინარეების კოდორისა და მრამბის შესაყართან მე-8-9-ე საუკუნეებით დათარიღებული ეკლესიის კედლები და ზღუდე, ასევე კელიის ფრაგმენტები და XIX საუკუნეში აქ მცხოვრები პოლონელების სასაფლაო მძიმე ტექნიკის გამოყენებით გაანადგურეს.

გავრცელებული ინფორმაციით 2011 წელს, აფხაზეთის დე-ფაქტო მთავრობის გადაწყვეტილებით, სოფელ წებელდის მიმდებარე ტერიტორია აფხაზეთის თავდაცვის სამინისტროს გადაეცა ერთობლივი წვრთნების ჩასატარებლად - რუსეთის უშიშროების ფედერალური სამსახურის (ФСБ) სასაზღვრო სამმართველოსთან ერთად. მოგვიანებით ეს ტერიტორია ხელშეკრულებით გადასცეს მესაზღვრეებს, რომლებმაც აქ სამხედრო პოლიგონის მშენებლობა დაიწყეს. სამშენებლო და მინის სამუშაოებს უძღვებოდა პოლიგონის უფროსი ვიქტორ გრიშჩენკო.

აღსანიშნავია, რომ მცირე ბორცვზე მდებარე ეკლესია, რომელიც ხელს უშლიდა სამხედრო პოლიგონის მოწყობას და ირგვლივ არსებული არტეფაქტები ბულდოზერებით რამდენიმე ასეული მეტრის მანძილზე არის მიმობნეული და განადგურებული. ძვირფასი ისტორიული მემკვიდრეობა ამჟამად მხოლოდ ისტორიის საკუთრებადაა ქცეული.

აფხაზეთის ავტონომიური რესპუბლიკის განათლებისა და კულტურის სამინისტროს მიერ გავრცელებული ინფორმაციით, „XIX საუკუნის I ნახევარში აფხაზეთში მდგარი რუსის ჯარის 10 პროცენტს პოლონელები შეადგენდნენ. ჯარში მრავალი წლის სამსახურის შემდეგ ისინი აქვე ქორწინდებოდნენ და სახლდებოდნენ. 1840 წელს სოფ. წებელდაში ცხოვრობდა რამდენიმე ათეული პოლონური ოჯახი. პოლონელებმა განსაკუთრებით დიდი წვლილი შეიტანეს აფხაზეთში ბუნებათმცოდნეობის მეცნიერების განვითარებაში. თანდათან პოლონელების დასახლება იზრდებოდა, მათ ამავე პერიოდში ააგეს ეკლესია, ხოლო მის არემარეში კრძალავდნენ თავიანთ მიცვალებულებს. სწორედ, ამ ეკლესიის ნაშთები და პოლონელების ეს საფლავები იქნა განადგურებული XXI საუკუნეში“.

აღსანიშნავია, რომ, მრამბის ამჟამად უკვე დანგრეული ეკლესია და მისი შემოგარენი ისტორიულ-არქეოლოგიურ ნაკრძალ „წებელდის“ ნაწილს წარმოადგენს.

ისტორიულ-გეოგრაფიული რეგიონი წებელდა მდებარეობს დასავლეთ საქართველოში და მოიცავს ვრცელ ტერიტორიას მთიანი აფხაზეთის უღამაზეს ხეობაში მდინარე კოდორის შუა და ზემო წყლის აუზში.

VI საუკუნის ბიზანტიელი ავტორები პროკოპი კესარიელი და აგათია სქოლასტიკოსი ბიზანტია-სპარსეთის ომთან დაკავშირებით მრავალჯერ იხსენიებენ აფსილეთის მთავარ ციხეს ციბილიუს (ციბილიუმს). თუმცა აღსანიშნავია, რომ წებელდის ციხის ადრეული ფენები IV-V სს თარიღდება. ისტორიოგრაფიაში გავრცელებული მოსაზრებით სახელწოდება „წებელდა“ და ციხის სახელი ერთი და იგივეა.

ენათმეცნიერ თეიმურაზ გვანცელაძის აზრით, ტოპონიმ წებელდის წარმოშობა მცენარე ნაბლს უკავშირდება.



„არსებობს ყველანაირი საფუძველი იმ დასკვნის გამოსატანად, რომ ტოპონიმი ნაბალი „ნაბლი“ შექმნილია წინარე-ქართველურ ენაზე ძვ. წ. II-I ათასწლეულთა მიჯნიდან ახ. წ. დასაწყისამდე პერიოდში. ახ. წ. დასაწყისიდან 554 წლამდე გაჩნდა ახალი წებელი ვარიანტი, რომელიც თითქმის XX საუკუნემდე გამოიყენებოდა. სწორედ ამ უკანასკნელი სახეობისგანაა მიღებული XVI- XVIII საუკუნეთა შორის აფხაზეური ფორმა ნაბალ“.



წებელდა იყო კარგად გამაგრებული ციხე-სიმაგრე. მის გეგმარებას განაპირობებდა რელიეფის სირთულე, რომელიც კლდოვანია და ძნელად მისადგომი. ამასთან, ის, ადრე შუა საუკუნეების საქართველოს ერთ-ერთ უმნიშვნელოვანეს საფორტიფიკაციო ნაგებობას წარმოადგენდა. მთის მწვერვალებზე მიკვლეული ადრინდელი ფეოდალური ხანის რამდენიმე ციხე მიუთითებს რეგიონის დიდ სტრატეგიულ მნიშვნელობაზე. წებელდის ციხეები კონტროლს უწევდა სავაჭრო-სატრანზიტო გზას, რომლითაც ჯერ რომის იმპერია, შემდეგ ბიზანტია ეკონომიკურ და პოლიტიკურ კავშირს ახორციელებდა ჩრდილოეთ კავკასიასთან, ხოლო კასპიის ზღვის გვერდის ავლით - შუა აზიასთან. ასევე ის იცავდა ეგრისის ქლუხორის და მარუხის უღელტეხილის საშუალებით ჩრდილო კავკასიელი ტომების შემოტევებისაგან.

ფეოდალურ ხანაში წებელდა მარშანიების ფეოდალურ საგვარეულოს ეკუთვნოდა. მდ. კოდორის ხეობის ზემო წელის ერთი მონაკვეთი - დალი გვიან საუკუნეებში გამოეყო წებელდას. 1810 წელს აფხაზეთის სამთავრომ ცნო რუსეთის პოლიტიკური სუვერენიტეტი. 1840 წელს წებელდაში ახალი ხელისუფლება აღიარეს. აფხაზეთის 1866 წლის აჯანყების დროს წებელდის მოსახლეობა აქტიურად იბრძოდა ადგილობრივი ფეოდალებისა და ცარიზმის კოლონიური პოლიტიკის წინააღმდეგ. შემდეგში წებელდის მოსახლეობა იძულებით თურქეთში გადაასახლეს (მუჰაჯირობა).

წებელდა მდიდარია არქეოლოგიური და ხუროთმოძღვრული ძეგლებით. ამ კულტურული რეგიონის ზონაში რამდენიმე ადრექრისტიანული ხანის ეკლესია და სამაროვანია

მოძიებული, რომელთა აღმოჩენაში პირველ ეტაპზე განსაკუთრებული წვლილი მიუძღვით ქართველ ისტორიკოსსა და არქეოლოგს დიმიტრი ბაქრაძეს და რუს არქეოლოგს გრაფინია პრასკოვია-უვაროვას.

XIX-XX სს. ზემოთხსენებული მეცნიერების გარდა, საკვლევი რეგიონი შეისწავლეს, მდიდარი არქეოლოგიური მასალა მოიპოვეს და მას სპეციალური მონოგრაფიები მიუძღვნეს მ. ტრაპშმა, რ. შმერლინგმა, გ. შამბამ, ი. ვორონოვმა, მ. გუმბამ.

წებელდაში ასევე ნაპოვნია კანკელის ფილები. აქ გათხარეს (მ. ტრაპში, გ. შამბა, ი. ვორონოვი, მ. გუმბა) II-VII საუკუნეების მრავალრიცხოვანი ნეკროპოლისი სამარხები. ახლანდელი სოფ. წებელდის აღმოსავლეთით 4 კმ-ზე ასევე გათხარეს (ი. ვორონოვი) ერთ-ერთი ციხე. გამოვლინდა საფორტიფიკაციო სისტემა, 2 დარბაზული ეკლესია, აბანო, სამეურნეო სათავსები, წყალსაცავი აუზი, წყალსადენი, VI საუკუნის მონეტები და სხვა. აღმოჩენილია აგრეთვე X-XI საუკუნეების მონეტების განძი, რომელიც შეიცავს არაბული დირჰემების ქართულ მიბაძვას.

აღსანიშნავია, რომ წებელდის ციხეს ხუროთმოძღვრული თვალსაზრისით პარალელები მოეპოვება დასავლეთ საქართველოს ისეთ ცნობილ საფორტიფიკაციო ნაგებობებთან, როგორცაა ნოქალაქევის, შორაპნის და სკანდის ციხე.

წებელდის რეგიონი მდიდარია კულტურული მემკვიდრეობის ძეგლებით და აქვე გაგაცნობთ აღნიშნულ რეგიონთან დაკავშირებული კულტურული მემკვიდრეობის არასრულ სიას.

1) წებელდის ციხე და აღნიშნულ კომპლექსში შემავალი საფორტიფიკაციო ნაგებობები; 2) აჭანდარის (პოლტავს-

კოე) ნმ. თევდორეს ეკლესია; 3) აბულასან იობისძის წარწერა წმინდა ანდრია მოციქულის ხატზე XII ს; 4) მიქაელის წარწერა X-XI სს; 5) მარამბის წარწერა წმინდა ეკატერინეს ხატზე XI ს; 6) წებელდის რელიეფური ფილები VII-VIII სს; 7) ლუკა მარტინევის წარწერა XIV ს; 8) წმინდა იოანე ნათლისმცემლის ხატი XI; 9) წებელდის წმიდა გიორგის ეკლესია XII-XIII სს; 10) შაპკა; 11) მრამბა (განადგურდა 2017 წლის იანვრის პირველ ნახევარში).

სოფელი მრამბის ეკლესია მდებარეობს წებელდიდან 4-7 კმ სამხრეთ-დასავლეთით. 1981-82 წლებში წებელდის ექსპედიციის მიერ ჩატარებული გათხრების შედეგად მრამბაში გამოვლინდა ადრექრისტიანული დარბაზული ტიპის ეკლესია წინ წამოზიდული, გარედან ხუთნახნაგოვანი, შიგნიდან ნალისებური ფორმის აფსიდით. ეკლესია ნაკლები გულმოდგინებით დამუშავებული ქვის კვადრებითაა ნაგები. როგორც ირკვევა VI-VIII სს. საუკუნის ტაძარი მოგვიანებით, XI-XIV სს-ში, საფუძვლიანად შეუკეთებიათ. მრამბის ტაძარს ახლო ანალოგები ეძებნება კაბადოკიაში. მრამბის ტაძარს უკავშირდება, აქვე აღმოჩენილი, ადრექრისტიანული სიუფეტებითა და სიმბოლოებით შემკული კირქვის ფილები. ერთ-ერთ მათგანზე გამოსახულია ტოლმკლავა ჯვარი წრეში, ყურძნის მტევნები და ჩიტები.

P.S. ამ თემით დაინტერესებულ მკითხველებს, გეტყვით რომ წებელდის კულტურული მემკვიდრეობის ძეგლების შესახებ ვამზადებთ წიგნს. რაც აფხაზეთის საქართველოსგან განუყოფლობის იდეის პოპულარიზაციას ემსახურება.

ფრონტი და პოზიითი „გაზავიშყლი“ „უდღოშის ვიში“

მაია შონია

ადამიანს ყველაზე მეტად იმ კედლის დანგრევა უჭირს, რომელსაც თავის წარმოსახვაში აღმართავს. ამიტომაც მასთან ჭიდილს ზოგჯერ მთელ ცხოვრებას ანდომებს, - ასე ფიქრობს პოეტი და მხატვარი მანონ ბულისკერია. რომლისთვისაც ამ კედლებს გემოც კი აქვს. მანონ ბულისკერიას „კედლების გემო“ მისი შემოქმედების მოყვარულებმა ჯერ პოეტური კრებულის, შემდეგ კი ამავე სახელწოდების პირველი პერსონალური გამოფენის (2015 წელს) სახით შეიგრძნეს. ახლახან აფხაზეთის ავტონომიური რესპუბლიკის განათლებისა და კულტურის სამინისტროსთან არსებულ ვალერი არქანის სახელობის არტ-გალერეაში მანონ ბულისკერიას მეორე პერსონალური გამოფენა - „კედლების გემო“ 2 - გაიმართა. პროფესიონალმა მხატვრებმა, ხელოვნებათმცოდნეებმა და ხელოვნების მოყვარულებმა - ყველამ ერთხმად აღიარეს, რომ გამოფენა შედგა, რადგან მანონ ბულისკერიას ნამუშევრებმა სწორედ იმგვარი შთაბეჭდილება მოახდინა, როგორსაც ნამდვილი ხელოვნება ახდენს ადამიანებზე.

ქეთი ღუმბაძე, პროექტ „ცოცხალი წიგნების“ ავტორი: - მანონის ლექსებსა და ნახატებში სწორედ იმ აფხაზეთს ვხედავ, სადაც გავიზარდე, რომელიც ყველაზე მეტად მიყვარს და მენატრება. ამ გამოფენამ ცხადყო, რომ ის ისეთივე მაგარი მხატვარი ყოფილა, როგორც პოეტი. ნახატები - „გზა“, „ზურგის ქარი“ - აფხაზეთში მიდის და მჯერა, აუცილებლად დაგვბრუნდება.

როლანდ ნიჭარაძე, აფხაზეთის არ განათლებისა და კულტურის მინისტრის მოადგილე: - მანონ ბულისკერიას პოეზია და მხატვრობა ერთმანეთს ჰკავს, ამ ნამუშევრებში თითქოს მისი პოეზია გრძელდება და პირიქით. ისინი ერთმანეთს ავსებენ და ამით გიზიდავენ კიდევ.

გურამ ცერცვაძე, საქართველოს მხატვართა კავშირის თავმჯდომარე: - ეს გამოფენა მეტყველებს იმაზე, თუ რა მარგალიტებით მიმობნეულან ქართულ კულტურაში აფხაზეთის მხატვრები, მწერლები, პოეტები. აქამდე მანონს ვიცნობდი როგორც წარმატებულ პოეტს. ამიერიდან ის ჩემთვის აღმოჩენაა, როგორც მხატვარი, ის უაღრესად ნიჭიერია. ვუსურვებ წარმატებებს არა მარტო საქართველოში, არამედ მის ფარგლებს გარეთაც.

ჯუმბერ ბეჭვია, სამხატვრო აკადემიის დიზაინის ფაკულტეტის სამრეწველო დიზაინის მიმართულების ხელმძღვანელი: - ჩვენ ვიცით ჩინეთის კედელი, რომელიც არის გაერთიანების სიმბოლო, ვიცით ბერლინის კედელი, რომელიც გაყოფის სიმბოლოა, ამიერიდან გვეცოდინება მანონ ბულისკერიას კედელი, რომელსაც აქვს გემო, რომელიც არის ფერადოვანი და „ძალიან გემრიელი“.

მარიამ შაქარაშვილი, მხატვარი: - მანონის გამოფენის მთავარი ღირსება ის არის, რომ თითოეული ნამუშევარი მნახველთან კონტაქტს ამყარებს, თითქოს ესაუბრება.

ნანა ქარდავა, მწერალი: - მხატვრობაზე ბევრს ვერაფერს ვიტყვი, მაგრამ მის პოეზიას უკვე 16 წელია, აღფრთოვანებაში მოყვარავ.

გია გვაზავა, აფხაზეთის არ უმაღლესი საბჭოს თავმჯდომარე: - სასიხარულოა, რომ ჩემს აფხაზეთს მანონისნაირი შვილები ჰყავს. ღმერთმა დედამინა შექმნა და შეისვენაო, მერე ადამი შექმნა და შეისვენაო, მერე ევა შექმნა და მას მერე მოსვენება არა აქვსო - აი, ასეთია მანონ ბულისკერია თავისი შემოქმედებით, რომელიც არავის მოასვენებს.

მოგვიანებით თავად მანონ ბულისკერიას ვკითხვით, რას გულისხმობს მისი კონცეფცია „კედლების გემო“, რომელსაც თანაბრად ერთგულს პოეზიაში და მხატვრობაში. გარდა ამისა, ის სულ რამდენიმე თვის წინათ აფხაზეთის ლიტერატორთა და ხელოვნათა შემოქმედებითი გაერთიანების თავმჯდომარედ აირჩიეს და ჩვენი კითხვები ამ თვალსაზრისით მის საქმიანობასაც გადაწვდა.

მანონ ბულისკერია:
- სხვებზე მეკითხებიან ხოლმე რატომ „კედლების გემო“? რას გულისხმობს ეს ჩანაფიქრი? თითოეული ადამიანის წინაშე ყოფილთვის არის აღმართული ხილული თუ უხილავი კედლები, რომელთა დაძლევა საბოლოოდ მაინც შესაძლებელია. მაგრამ არის კედლები, რომლებსაც ჩვენ თვითონ ვიგონებთ, მერე ვიჯერებთ კიდევ და მათი დანგრევა ძალიან ძნელია, ხშირად შეუძლებელი. ეს კედელი ასევე მე თვითონ გამოვიგონე სამი წლის წინათ და იმდენად შთამბეჭდავი იყო, რომ თვითონვე დავიჯერე.

ახლა მისი დაძლევის პროცესში ვარ, ვნახოთ, რა გამოვა და როგორ გაგრძელებას ჰპოვებს ჩემი მხატვრობა.

- ნების განმავლობაში ცნობილი იყავით როგორც პოეტი. თქვენი კონცეფციის ფარგლებში შექმნილი გაქვთ პოეტური კრებულები „კედლების გემო“.



- პოეზია ჩემთვის ორგანულია, რადგან ბავშვობიდან ვწერ. არ მინდა ხმამაღალი ნათქვამი გამოვივიდე, მაგრამ ეს არის სფერო, სადაც საკუთარ თავში დარწმუნებული ვარ.

- ანუ პოეზიაში „კედელი“ მეტ-ნაკლებად დაძლეული გაქვთ?

- კი, შეიძლება ასე ითქვას. ძალიან ნიჭიერები არიან ჩემი თაობის მწერლები და მხატვრები. იქ სადაც ბევრი ნიჭიერია, კონკურენციაც დიდია. მათი შემოქმედება ჩემთვის ძალიან მნიშვნელოვანია და ამ კედლის დანგრევაში ჩემს შემოქმედებასთან ერთად მათი შემოქმედებაც მენხარება. მათი როგორც პოეზიის, ისე მხატვრობის დიდი გულშემატკივარი ვარ. ეს ძალიან საინტერესო პროცესია.

- სამი წელი არც ისე დიდი დროა შემოქმედისთვის, რომ დაიხვეწოს და სრულყოფილებას მიაღწიოს.

- ინტენსიურად რომ შემეძლოს ხატვა და სახელოსნოში ჩემთვის განმარტობა, სხვა



- მადლობა ასეთი შეფასებისთვის. ვფიქრობ, ეს იმიტომაც არის ასე, რომ მთელი პროცესი ემოციის ფონზე მიმდინარეობს და არაფერს ვიგონებ. როდესაც ვხატავ, პირდაპირ მივყვები გრძნობებს. ჩემთვის ძალიან მნიშვნელოვანია, რამდენად ესადაგება ეს ყველაფერი სხვის გემოვნებას და თუ ჩემი ნამუშევრები ასეთ შთაბეჭდილებას ტოვებს, ძალიან მიხარია. ბევრი მხატვარი გვყავს, მაგრამ განსაკუთრებით მაინტერესებს ისინი (თუმცა არა ყველა), ვინც აბსტრაქციაში მუშაობს. უფრო მეტად ვგულისხმობ ჩვენი 80-იანელების თაობას. მათი შეფასება ჩემთვის განსაკუთრებით მნიშვნელოვანია, რაც სტიმულს მაძლევს, რომ კიდევ შევქმნა.

- თქვენც ძირითადად აბსტრაქციას ხატავთ. სხვა ჟანრში თუ გიცდიათ რამის შექმნა, ან მომავალში თუ აპირებთ?

- ვგრძნობ, როდესაც გულით მინდა დახატო, აბსტრაქციისკენ ვიხრები და გამომდის. ეს ბუნებრივად მოდის. დიდ პატივს ვცემ პროფესიონალიზმს, ამიტომაც ფიგურატიულ მხატვრობას მოვერიდები, რადგან შესაბამისი აკადემიური განათლება არ მაქვს. ვიდრე ფიგურაზე ბევრს არ ვიმუშავე, ამ მიმართულებას სერიოზულად ხელს არ მოვეკიდებ.

- სათაურებიდანაც იგრძნობა, რომ თქვენი ნამუშევრების ძირითადი თემა აფხაზეთია.

- „მოლოდინი“, „სახლი ხავსში“, რომელიც ელოდება პატრონს, მაგრამ ჯერჯერობით არ ჩანს; „ოღისეა“ - ღვინისფერი ზღვა, როგორც ჰომეროსს აქვს - მთელი ცხოვრება გზაში ვართ და სახლამდე ვერ მივალნი - ამ ნახატში ეს განცდა გადმოვიცი. „ქარის ნისკვილებიც“, „არჩევანიც“ და „კედლების გემოც“ იგივე თემატიკას აგრძელებს.

- მომავალ გამოფენას თუ გეგმავთ. კონცეფციის შეცვლას აპირებთ თუ შესაძლოა „კედლების გემო“ 3-იც ვიხილოთ?

- ჯერჯერობით არაფერს ვგეგმავ. სპონტანურად, უცებ დავინყე ხატვა და ასევე უცებ შეიძლება შევწყვიტო კიდევ, მაგრამ იცით, რა არ მაძლევს ამის საშუალებას? თუ პოეზია არის ჩემთვის მოუსვენრობა, ტილო და ფუნჯი მამშვიდებს, რაც ძალიან მჭირდება. ხატვის დროს ვისვენებ, თუნდაც ამიტომ არ შევეშვები.

- გარდა იმისა, რომ შემოქმედი ხართ, თქვენი კარიერაც ამ მიმართულებით განვითარდა და აფხაზეთის ლიტერატორთა და ხელოვნათა გაერთიანებას ხელმძღვანელობთ.

- საქართველოს კულტურისა და ძეგლთა დაცვის სამინისტროს პროექტის „ცოცხალი წიგნები“ ერთ-ერთი მონაწილე ვარ. ამ პროექტმა, როგორც მწერალს, ძალიან ბევრი რამ მომცა. ჩემი ლექსები რამდენიმე ენაზე ითარგმნა და გამოიცემა. ჩემთვის ძალიან მნიშვნელოვანია ის, რასაც ქეთი ღუმბაძე აკეთებს. ამ პროექტში ყველა ასაკის და თაობის შემოქმედი ჩართული - 75 მწერალი მთელი საქართველოდან. აქედან ათამდე ავტორი აფხაზეთიდან იყო. ეს შემთხვევითი არ ყოფილა. უნიჭიერესი თაობა გვყავს და მეამაყება მათთან ერთად საქმიანობა. ეს ბევრ რამეში მეხმარება, რადგან სულიერადაც და შემოქმედებითადაც ვავსებთ ერთმანეთს.

აფხაზეთის ლიტერატორთა და ხელოვნათა შემოქმედებითი გაერთიანება, რომელსაც რამდენიმე თვეა ვხელმძღვანელობ, აფხაზეთის მწერალთა კავშირის სამართალმემკვიდრე არ არის. ეს ორგანიზაცია 2005 წელს ბატონმა გენო კალანდიამ დააფუძნა და მასში გაერთიანებული არიან არა მარტო მწერლები, არამედ მხატვრები, მუსიკოსები, ზოგადად, ხელოვნები. ჩვენი კარი ასევე ღია იმათთვის, ვინც იზიარებს ჩვენს წესდებს და დებულებას. ეს ორგანიზაცია არაფერს წარმოადგენს ამ ხალხის გარეშე. მის დამფუძნებელს, ბატონ გენო კალანდიას დიდი წვლილი მიუძღვის ჩვენი მწერლების, მხატვრების და მუსიკოსების წარმატებაში. 23 წელი მის გვერდით ვიყავი და ეს ყველაფერი კარგად ვიცი. ახლა, ვცდილობთ, მისი გზა გავაგრძელოთ.

შედეგი მექნებოდა. ამ შემთხვევაში შეიძლებოდა მეტევა კიდევ, რომ სამი წელი არ არის ცოტა. მაგრამ სხვა პროექტებშიც ვარ, მაქვს სამსახური. ამიტომ ვხატავ მხოლოდ მაშინ, როდესაც ძალიან მინდა.

- რაც იმას ნიშნავს, რომ ხატვის პროცესი თქვენთვის რუტინა არ არის.

- დიახ, ეს არ არის რუტინა, ეს არის განტვირთვის პროცესი და ალბათ, ამიტომაც მოდის ნახატებიდან ის ემოცია, რასაც დამთვალე რეპელი გრძნობს. პროფესიონალებიც სწორედ ამას აღნიშნავენ, რომ ეს არის ემოცია, რომელიც ნამდვილად განცდილი და გამოვლილია.

- საქართველოში არც ისე ცოტა მხატვარია. ამ ფონზე ძნელია, მხატვარს მხოლოდ მისთვის დამახასიათებელი ფერი, სტილი, შტრიხები ჰქონდეს. თქვენ ეს ყველაფერი გაქვთ და თქვენი ნამუშევრების ერთ-ერთი მთავარი ღირსება, ალბათ, ესეც არის.

დიდი კომპოზიტორები აფხაზეთში

„აფხაზურ-ქართული ურთიერთობები“ ქვესათაურით ერთვის აფხაზეთის სულიერებისა და კულტურის ცენტრის დირექტორის, აფხაზეთის არ განათლებისა და კულტურის ყოფილი მინისტრის სვეტლანა ქეცბას კრებულს „გულის სახსოვარი“. კრებული აფხაზეთში ქართველებისა და აფხაზეთის კულტურული ცხოვრების ამბებს ასახავს, ყოველივე ამის შემოქმედ ადამიანებს - როგორც აფხაზეთის მკვიდრთ, ისე მის სტუმრებს - უყრის თავს. კრებულში ამ თვალსაზრისით საინტერესო ბევრ მოგონებას ეცნობა მკითხველი, მაგრამ ჩვენ ამჯერად გამოჩენილი კომპოზიტორების - გივი ორჯონიკიძის, ოდისეი დიმიტრიადის, ანდრია ბალანჩივაძის, ოთარ თაქთაქიშვილის აფხაზეთთან და აფხაზეთის საზოგადოებასთან ურთიერთობის ამსახველ ფრაგმენტებს შემოგთავაზებთ.

ოთარ თაქთაქიშვილი

ოთარ თაქთაქიშვილი კარგად იცნობდა აფხაზური კულტურის დაწესებულებების საქმიანობას. მათი სამუშაო გეგმები სისტემატურად განიხილებოდა საქართველოს კულტურის სამინისტროს კოლეგიის სხდომებზე, თვითონაც არაერთხელ სტუმრობდა სოხუმს, რათა აფხაზი ხელოვნების წარმატებებსა თუ პრობლემებს ახლოდან გაეცნობოდა.



ზოგიერთი მისი ჩამოსვლა კარგად მახსოვს, მაგალითად, არაკლი აბაშიძის საიუბილეო ზეიმსა და აგრეთვე ახალი ათონის მღვიმის ვახსნაში მონაწილეობა. ოფიციალური დელეგაციის ჩამოსვლაზე ჩვენ, ლია სეხნიაშვილთან ერთად, გამოცხადებით მინისტრებმა მღვიმე-სასახლეებში მუსიკალური ჩანაწერების ჟღერადობას, რომლებიც წინა დღეებში მოვამზადეთ, და ჩვენი აზრით, ახალი ათონის მინისტრებმა სასწაულის ბგერით ილუსტრაციას შეესატყვისებოდა. მღვიმის მუსიკალური ილუსტრაციის იდეა ეკუთვნოდა ოთარ თაქთაქიშვილს.

არასოდეს დამავინყებდა მისი სოხუმში სასწრაფოდ ჩამოსვლა, როცა პერსპექტიული პიანისტის პარის დიმიტრიადის ტრაგიკული დაღუპვის ამბავი შეიტყო. მაშინ პარისის მამა - ოდისეი დიმიტრიადი ქვეყანაში არ იმყოფებოდა და ოთარ თაქთაქიშვილი ოჯახს გვერდით დაუდგა, როგორც მეგობარი, მოქალაქე, მინისტრი. ამ დროს დაუახლოვდა იგი ცნობილი აფხაზ ქორეოგრაფი ნესტორის ძე ემხვარს და მის მეუღლეს ვალენტინა ვასილის ასულს. ეს სიახლოვე შემდგომ მეგობრობაში გადაიზარდა და მათი სიცოცხლის უკანასკნელ დღემდე გაგრძელდა.

ბატონი ოთარი თითქმის ყოველწლიურად ისვენებდა სოხუმში, მინისტრთა საბჭოს აგარაკზე, რომელიც წარსულში მემამულე სმეცკოსი ეკუთვნოდა. ყოფილი მეპატრონის ფანტაზიისა და შრომის ნაყოფი წარმოადგენდა ბაღი - აფხაზეთის ერთ-ერთი და მე ვფიქრობ, მთელი დედამიწის ზურგზე ულამაზესი ადგილი, სადაც თავმოყრილი იყო უნიკალური მცენარეები მსოფლიოს ყველა კუთხიდან. ბაღს გასაოცარი აურა ჰქონდა (სხვათა შორის, ახალგაზრდობის წლებში აქ დასვენებულად ჩამოდიოდა სერგეი პროკოფიევი, რომლის დედა და სმეცკოსი მეუღლე გიმნაზიის მეგობრები ყოფილან). როცა ვთქვი, აქ ოთარ თაქთაქიშვილი ისვენებდა-მეთქი, სწორად ვერ გამოვხატე სათქმელი, რადგან *Dolce farniente* - ტკბილი უძველესი მისთვის არ არსებობდა. აფხაზეთის ციხე მისი არაერთი ნაწარმოები ჩაისახა და დაინერა.



მუსიკოსთა ჯგუფი. პირველ რიგში: მერი დავითაშვილი, ანდრია ბალანჩივაძე, გოგი ცაბაძე, გიორგი თევზაძე

სვეტლანა ქეცბა

გივი ორჯონიკიძე

მახსოვს, საქართველოს კომპოზიტორთა კავშირის ხელმძღვანელად მის არჩევამდე დიდი ხნით ადრე, სოხუმს ჩამოსული, პირველად მესტუმრა სახლში. მე შინ არ ვიყავი. როცა დავბრუნდი, დავინახე - ისე გულითადად საუბრობდა დედაჩემთან, თითქოს კარგა ხნის ნაცნობები ყოფილიყვნენ. ამ შეხვედრის შემდეგ დედა გივის ჩვენი ოჯახის ახლობელ ადამიანად მიიჩნევდა.



შეუძლებელია, გიყვარდეს შენი ხალხი, თუ პატივს არ სცემ სხვა ხალხებს და თუ არ იცნობ მათ კულტურას. სწორედ ასე ფიქრობდა გივი, როდესაც აფხაზეთში ბავშვთა ინტერნაციონალური გუნდის შექმნა შთაგვაგონა. ამასთან დაკავშირებით იგი ბევრჯერ ჩამოვიდა სოხუმში, ისმენდა კოლექტივის პირველ რეპეტიციებს, გვეხმარებოდა, რათა ის საკავშირო და საერთაშორისო სარბიელზე გაგვეყვანა.

განსაკუთრებული იყო გივი ორჯონიკიძის დამოკიდებულება აფხაზეთისადმი. მას მოსწონდა აფხაზეთის მკვიდრნი (ბედნიერი იყო, რომ ახლობლობდა გუდაუთის რაიონული კულტურის სახლის ხელმძღვანელთან, გამოჩენილ მომღერალ ივანე ლაკერბაიასთან, პროფესორ შალვა ინალიფასთან, პოეტ გიორგი გურგულიასთან, რომლებთანაც საქმიანობამ დააკავშირა); მოსწონდა აფხაზეთის ბუნება (ჩამოსვლისთანავე მიიჩქაროდა ზღვისკენ, ტყეებოდა მისი ცქერით და ოცნებობდა მის სანაპიროზე სადმე, მიყრუბულ ადგილას დასახლებას); ცხოველ ინტერესს იჩენდა აფხაზური პროფესიული მუსიკის განვითარებისთვის; მისი ინიციატივით 70-80 წლებში ჩატარდა „აფხაზური დღეები“ თბილისში, რუსთავეში, თელავში; შედგა საუბარი მრავალ მაგიდასთან აფხაზური პროფესიული მუსიკალური ხელოვნების შემდგომი განვითარების საკითხებზე; გაიმართა რესპუბლიკური თათბირი თემაზე - „შემოქმედებითი ინტელიგენცია და მხატვრული თვითშემოქმედება. სოფლის კულტურის ძირეული ამოცანები აფხაზეთის მაგალითზე“ (მისი სურვილი იყო, ეს თათბირები რეგულარული გამხდარიყო და მათზე წამოჭრილ საჭიროებოთ საკითხებს ეროვნული კულტურის განვითარებისთვის შეენყო ხელი, სწორედ ამიტომ პირველად თათბირზე მან მოიზიდა ქართული და აფხაზური ინტელიგენციის გამოჩენილი წარმომადგენლები, პარტიულ ორგანოთა და მასობრივი ინფორმაციის საშუალებათა რეჟისორები; გაიმართა ფოლკლორული კონცერტები თბილისსა და სოხუმში (მათში აფხაზეთიდან 240-ზე მეტი შემსრულებელი მონაწილეობდა), რომელთა მიზანი იყო, როგორც იგი წერდა „...არ დაკარგულიყო, არ გაფერმკრთალებულიყო ხალხური მუსიკალური ხელოვნების აღმასები და ისინი მთელი თავისი ნაზნაგებით აელვარებულყვნენ.“

გივი ორჯონიკიძე დიდი ინტერესითა და ყურადღებით ადევნებდა თვალყურს აფხაზეთის სინამდვილეში ახალი ნაწარმოებების გამოცემას. ჩვენ ყოველთვის ვგრძობოდით მასში ჭეშმარიტ და საიმედო მეგობარს.

ოდისეი დიმიტრიადი

ოდისეი დიმიტრიადის მოღვაწეობა დაიწყო სოხუმში 1930 წელს, ახალგაზნად აფხაზეთის მუსიკალურ სკოლაში. ამ სასწავლო დაწესებულებამ იმთავითვე სტიმული მისცა აფხაზეთის კულტურულ ცხოვრებას. მასთან დაარსდა სიმფონიური ორკესტრი, აფხაზურ-ქართული გუნდი, რომლის საფუძველზეც ჩამოყალიბდა აფხაზეთის სიმღერისა და ცეკვის ანსამბლი და სხვა კოლექტივები. აქვე დაიწყო აფხაზური ფოლკლორის შეგროვება და ამ მასალაზე მუსიკალური ნაწარმოებების შექმნა.



სვეტლანა ქეცბა და ოდისეი დიმიტრიადი სოხუმში, დიმიტრი გულის ძეგლთან

მახსენდება მისი ჩამოსვლა სასწავლებლის 50 წლის იუბილეზე, მუსიკალური საზოგადოებისა და ბერძნული დიასპორის მიერ მოწყობილ სიმფონიურ კონცერტებზე დიდი მეტრის დაბადების 80 და 85 წლისთავთან დაკავშირებით. მისი რჩევები მუსიკალური ცხოვრებისა და სასწავლო პროცესის შესახებ სპეციალისტებისთვის ყოველთვის სასარგებლო იყო. ოდისეი დიმიტრიადის აღზრდილები იყვნენ სოხუმის სახელმწიფო მუსიკალური სასწავლებლის კურსდამთავრებულები ლევ ჯერგენია და ანატოლი ხაკბა, რომლებიც სხვადასხვა დროს აფხაზეთის სიმფონიურ ორკესტრს სათავეში ედგნენ. ოდისეი დიმიტრიადთან მეცადინეობდა ასევე ნიჭიერი ვიაჩესლავ აიბა.

სოხუმში ჩამოსვლისას ოდისეი დიმიტრიადი მატარებელს ყოველთვის ბარათაშვილის პლატფორმამდე მოჰყვებოდა. აქ მას ელოდებოდა ანატოლი ხაკბა მარტო ან რამდენიმე მეგობართან ერთად. მას არ უყვარდა პომპეზური დახვედრები, არც მაღალფარდოვანი სიტყვები, არც თანამდებობის პირების მონახულება. იგი გეზს პირდაპირ სანაპიროსკენ იღებდა და იქ შეერებოდა მეგობრებთან და თავყვანისცემლებთან ერთად ყავას მიირთმევდა, იხსენებდა „გარდასულ დღეებს“ და საჭიროებოთ საკითხებზე მსჯელობდა. ეს წუთები ბატონი ოდისეისთვის ძალიან ამაღლებული იყო, რადგან ის აქ ხვდებოდა თავის ახალგაზრდობას, ძვირფას ადამიანებს და აფხაზეთს, მხარეს, რომელთანაც უსაზღვრო სიყვარული აკავშირებდა.

ოთარ თაქთაქიშვილს თავის შემოქმედებაში აფხაზური ფოლკლორი არ გამოუყენებია. გამოწვევის წარმოადგენს რიგი საფორტეპიანო და საგუნდო ნაწარმოებებისა და სიმღერა „ვარადა“, რომელიც განსაკუთრებულ ადგილს იკავებს მის შემოქმედებაში. საკმარისია გავისწავლოთ ციკლი „გურული სიმღერები“ და ოპერა „მთვარის მოტაცება“. ის ფაქტი, რომ ოთარ თაქთაქიშვილმა ამ ოპერაში კონსტანტინე გამსახურდიას ნაწარმოებთან ერთად აფხაზეთის თემას მიმართა და დედამიწის ზურგზე ულამაზეს ამ კუთხეში მცხოვრები ადამიანების ცხოვრება უჩვენა, ბევრ რამეზე მეტყველებს, უპირველესად კი ამ მხარისა და ხალხისადმი კომპოზიტორის სიყვარულზე.

ანდრია ბალანჩივაძე

ანდრია ბალანჩივაძეს ალაფრთოვანებდა აფხაზეთის ბუნება. 30-იანი წლების მეორე ნახევარში აფხაზეთში პირველი ჩამოსვლის შემდეგ ის არ წყვეტდა ურთიერთობას ამ მაღლიან და ბარაქიან მხარესთან. იყო პერიოდი, როდესაც ის სამუდამოდ აფხაზეთში დასახლებულზეც ფიქრობდა. ეს იყო მას შემდეგ, რაც სოხუმში პატარა აგარაკი შეიძინა. ერთსართულიანი სახლი შუქურას რაიონში, თავისი ნაგარქველული ფორმით გემს მოგავიწყდა. სახლიდან გამოსული კომპოზიტორი გაივლიდა თუ არა ოც-ოცდაათ ნაბიჯს, სანაპიროს ნიშნულთან აღმოჩნდებოდა და მის თვალში იშლებოდა მარად ცვალებადი მძლავრი სტიქია. ყოველ გაზაფხულზე, ანდრია ბალანჩივაძე რამდენიმე დღეს მაინც გამოითავისუფლებდა ხოლმე თავს, რათა ჩამოსულიყო სოხუმში, მოესწრო თავისი პატარა ვენახის გასხვლა, დამტკბარიყო ციტრუსების ღვთიური სურნელით, ფოთლების ჩრდილში ციციანთელების ნათებითა და ვარსკლავებით მოჭედული უძირო ზეცით.

აფხაზეთში ჩამოსვლისას ანდრია ბალანჩივაძე გაეცნო ძმებს ივანე და მიხეილ ლაკერბაიებს, რომლებიც აფხაზეთში მის მეგობრებად იქცნენ. ივანე ლაკერბაიამ, შემდგომში ცნობილმა მწოდისტმა - კომპოზიტორმა, ანდრია ბალანჩივაძეს აფხაზური ხალხური შემოქმედება გააცნო.

ანდრია ბალანჩივაძემ 1939 წელს მიხეილ ლაკერბაიას სიუჟეტის მიხედვით დაწერა ოპერა „ბენდირება“. „ქეთო და კოტე“ შემდეგ ქართულ მუსიკაში ეს იყო პირველი ტრიკულ-კომიკური ოპერა. მისი სიუჟეტი დაკავშირებულია აფხაზეთთან. ამ ოპერაში პირველად აუღერდა საოპერო ინტერმეცო „რინის ტბა“. ის შედგებოდა საინტერესო ნომრებისაგან, მათ შორის იყო, გუნდი „მიყვარხარ შენ, მშობლიურო აფხაზეთი“.

პირველ ოპერაზე მუშაობისას ანდრია ბალანჩივაძემ იმოგზაურა აფხაზეთში, სადაც აფხაზური სიმღერები ჩაინერა. ის არა მხოლოდ თავისი შემოქმედებით, არამედ მოღვაწეობის სხვა მხრითაც იყო დაკავშირებული აფხაზეთთან - ზრდიდა ეროვნულ კადრებს, იყო აფხაზეთის კომპოზიტორთა კავშირის შექმნის აქტიური მონაწილე.

ხალხი მის ასეთ გულწრფელ დამოკიდებულებას კეთილი გრძობებით პასუხობდა. 80 - იანი წლების დასაწყისში საქართველოსა და აფხაზეთის კომპოზიტორების დიდი, ერთობლივი თავყრილობა „აფხაზური და ქართული კულტურის კვირული“ შედგა. დაგეგმილი იყო კონცერტები აფხაზეთის რაიონებში. ანდრია ბალანჩივაძე მუშაბრუნებას პატარა ქალაქ ტყუარჩელში გაემგზავრა. მე სხვა რაიონში ვიყავი კონცერტზე. მეორე დღეს, როგორც ყოველთვის, თავის განუყრელ პაპაროს „ყაზბეგს“ აბოლებდა და ჰყვებოდა იმ დაუვიწყარ მთაბრუნებლებზე, რომელიც მასზე ამ თითქოსდა მიყრუბული ქალაქის მშრომლებთან შეხვედრამ მოახდინა. თურმე, როცა ანდრია ბალანჩივაძე სცენაზე გამოსულა თავისი ნაწარმოების - „რინის ტბის“ სადირიჟოროდ, მქუხარე აპლოდისმენტებით შეხვედრია მაყურებელი. დარბაზი ფეხზე ამდგარი შეგებებია და მისთვისაც ნათელი გამხდარა, რომ მას იცნობდნენ, უყვარდათ და აფასებდნენ.

ეს იყო ისეთი უბედნიერესი და დაუვიწყარი დღე, როგორც შემოქმედს ცხოვრებაში, შესაძლოა, არც თუ ისე ხშირად ხვდეს ნილა.

ნათია თოდუა: ეს წარმატება დავიმსახურე სწორად იმის გამო, რომ აფხაზეთიდან ვარ!

მანია შონია



„იმ რეალობამ, დაბრკოლებებმა და მავთულხლართებმა, რომლებსაც ჩემთვის თითქოს ხელი უნდა შეეშალათ, ხელი შემინყვეს ვყოფილიყავი ის, რაც ახლა ვარ. იმხელა ფინი და ძალა მომცეს, რომ ამის სიტყვებით გადმოცემას ვერ ვახერხებ, ამიტომ სიმღერის დროს ვუშვებ მთელ ამ ემოციას და ვთავისუფლდები!“ - თქვა ნათია თოდუა გაზეთ „ჩემი აფხაზეთისთვის“ მიცემულ ინტერვიუში.

სწორედ ამ ფინისა და ძალის მეოხებითაც აღმოჩნდა ნათია თოდუა ქართული ხმა ასე გამორჩეული არა მხოლოდ მუსიკალური კონკურსის - გერმანული „Voice-ს“ ფიურის წევრებისთვის (მათ გადაწყვეტილება სულ რამდენიმე წამში მიიღეს), არამედ გერმანიის ფარგლებს გარეთაც და ინტერნეტსივრცეშიც. კონკურსის მეორე ტურზე ნათიას უკვე ათასობით გულშემატიკვარი ჰყავს მთელი მსოფლიოდან, რაც მას დაუღალავი შრომისთვის საოცარ სტიმულს აძლევს, თავდაჯერებას მატებს და სიტყვა - იმედგაცრუებას საერთოდ ავიწყებს. თუმცა როგორც თვითონ ამბობს, მთავარი სტიმული მაინც მისი ოჯახი, დღემდე გამოვლილი ურთულესი გზა და აფხაზეთია.

გზები ნათიას ცხოვრებაში პირდაპირი და გადატანითი მნიშვნელობითაც რთული იყო. ის დევნილთა იმ თაობას განეკუთვნება, რომელიც თბილისში (1996 წელს) დაიბადა, მაგრამ მისი ბედი თანატოლებისგან განსხვავებული აღმოჩნდა.

ნათიას ოჯახი მძიმე სოციალური პირობების გამო იძულებული გახდა გლდანის დევნილთა საერთო საცხოვრებელიდან ისევ კონფლიქტის ზონაში, გალის რაიონის სოფელ ნაბაკეში მიტოვებულ სახლს დაბრუნებოდა. ნათიამ იცხოვრა ისეთ აფხაზეთში, რომელშიც სიცოცხლე სულს ღაფავს და განვითარებისა და წინსვლისთვის არანაირი პირობა არ არსებობს. ბევრისთვის ცხოვრების ასეთი გზის გავლა გადაუღახავი დაბრკოლება აღმოჩნდებოდა, მაგრამ ნათიასთვის სწორედ კონფლიქტის ზონაში ცხოვრება, დედაქალაქისკენ მომავალი მავთულხლართებითა და უამრავი ხელფონური ბარბერით დამძიმებულ გზაზე სიარული გახდა მთავარი სტიმული, რომ ძალა მოეკრიბა. მისმა ძალისხმევამ კი საბოლოოდ არა მხოლოდ ენგურის ხიდზე არსებული რუსულ-აფხაზური „საზღვარი“, საქართველოს საზღვრებიც გაარღვია.

თბილისში კავკასიის უნივერსიტეტის ჯანდაცვის მენეჯმენტისა და ეკონომიკის ფაკულტეტზე ჩააბარა. თუმცა ერთ ხანს მისი ცხოვრების მთავარ შთაბეჭდილებად ნაბაკეში ოჯახთან ერთად შესრულებული მეგრული ჰანგები, შემდეგ კი თბილისში ბიძასთან სტუმრად ყოფნისას ჯახის, ბლუზისა და სოულის დიდ შემსრულებელთა მოს-

მენა რჩებოდა. თანდათან გამოიკვთა, რომ სწორედ ეს გატაცება სიმღერა იყო მისი არსებობის და თავის გატანის ერთადერთი საშუალება. ის თბილისის ბარებში ჯგუფ „ვაკის პარკთან“ ერთად სიმღერით არჩენდა ოჯახს. 2014 წელს ქართული „X-ფაქტორის“ მონაწილე გახდა, მოგვიანებით (2015 წელს) უკრაინულ „X-ფაქტორშიც“ სცადა ბედი, მაგრამ წარუმატებლად. 2016 წელს ნათია „AU-PAIR“-ის პროგრამით გერმანიაში წავიდა. მიზანი ენის შესწავლა და სწავლის მუსიკალურ აკადემიაში „singer-songwriter“-ის ფაკულტეტზე გაგრძელება იყო. იქ კი მასპინძელი ოჯახის დაფინანსებული თხოვნით გერმანულ „VOICE“-ში სცადა ბედი. მისი სტატუსი და ვიზა კონკურსში მონაწილეობის უფლებას არ აძლევდა, მაგრამ ჯერ კიდევ შესარჩევ ტურში მისით მოხიბლულმა ფიურმა ყველაფერი გააკეთა იმისთვის, რომ ნათია კონკურსის მონაწილე გამხდარიყო. სასწავლო ვიზის აღებაში მას თბილისში, ბარში სიმღერისას გაცნობილი ნათია მხეიძე და მისი გერმანელი მეუღლე რაინერ შმიტი დაეხმარნენ. მუსიკალური კონკურსის პირველი ტურის შემდეგ ის უკვე გამორჩეული ხმის ტემბრისა და განსაკუთრებული შესრულების მანერის მქონე მუსიკოსია და ინტერნეტსივრცის ერთ-ერთი ყველაზე პოპულარული შემსრულებელი (გერმანულ „VOICE“-ში შესრულებულ სიმღერას - „I put a spell on you“ ათიათასობით ნახვა აქვს ინტერნეტსივრცეში), რომელიც კონკურსის მეორე ტურისთვის ემზადება და მსმენელს კიდევ უფრო საინტერესო სანახაობას ჰპირდება.

გაზეთ „ჩემი აფხაზეთთან“ საუბრისას ნათია თოდუა თავის თანატოლ დევნილებს და დღემდე აფხაზეთში მცხოვრებ ახლობლებს მიმართა:

- როდესაც ჩემს წარმომავლობაზე მეკითხებიან, ყოველთვის ვამბობ, რომ აფხაზეთიდან ვარ. ამით სულაც არ ვცდილობ ვინმეში სიბრალულის გრძობა აღვძრა. არც ის მინდა, რომ ვინმემ მოიწყინოს ან გულდაწყვეტილმა ისმინოს ჩემი სევდიანი ისტორია. პირიქით, „მე ნათია თოდუა ვარ აფხაზეთიდან“ ნიშნავს იმას, რომ დღეს თუ ეს წარმატება დავიმსახურე, სწორედ იმის გამო, რომ აფხაზეთიდან ვარ! მე იმ რეალობამ, დაბრკოლებებმა და მავთულხლართებმა, რომლებსაც თითქოს ხელი უნდა შეეშალათ, ხელი შემინყვეს ვყოფილიყავი ის, რაც ახლა ვარ. იმხელა ფინი და ძალა მაქვს, რომ ამის სიტყვებით გადმოცემას ვერ ვახერხებ, ამიტომ სიმღერის დროს ვუშვებ მთელ ამ ემოციას და ვთავისუფლდები!

- შენი თანატოლი დევნილებისთვის უკვე წარმატების მაგალითი ხარ. რას ურჩევ მათ?

- თავი სიზმარში მგონია. ყოველდღე ინტერვიუები და გადაღებები მაქვს, სიუჟეტები კეთდება ჩემზე. ვემზადები შემდეგი ეტაპისთვის. ვიცი, რომ ეს სტატია ჩემი თანასოფლელებისთვის ადვილად ხელმისაწვდომი არ იქნება, მაგრამ თუ რომელიმე მათგანი წაიკითხავს მას, ძალიან ბედნიერი ვიქნები და მოგმართავ თქვენ, ჩემო საყვარელო ხალხო, ჩემო გმირებო, მიყვარხართ იმიტომ რომ დღემდე იქ რჩებით და თქვენი იქ ყოფნა მთავარი პირობა იმისა, რომ არ ცარიელდება ჩემი ბავშვობის ქუჩები და ეზოები. ყველაფერი კარგად იქნება!

- გარდა იმისა, რომ ემზადები კონკურსის მეორე ტურისთვის, რა გეგმები გაქვს სამომავლოდ? აპირებ თუ არა შენი მიზნის მიღწევას - კლასიკური, აკადემიური მუსიკალური განათლების მიღებას?

- ამჟამად ჩემი ოჯახის ხელშეწყობით, ვისთანაც ვცხოვრობ, ინტენსიურად ვემზადები გერმანულ ენაში. ეს აუცილებელია იმისთვის, რომ უმალეს სასწავლებელში გამოცდაზე გასვლის ნება დამართონ. ეს პროცესიც თუ წარმატებით ჩაივლის, კიდევ ერთი ოცნებაც ამიხდება - ვისწავლი გერმანიის უმალეს მუსიკალურ სასწავლებელში და გავხდები ჩემი საყვარელი საქმის პროფესიონალი.

- საქართველოში ყველა აღფრთოვანებულია შენი წარმატებით. როგორი რეაქცია აქვთ გერმანიაში?

- გერმანიაში ჩემს გამოსვლას ისეთი კარგი შეფასებები მოჰყვა, ფიურისა და ხალხის რეაქცია ჩემი ხმის ტემბრზე და შესრულებაზე ისეთი იყო, რომ გაცვიფრებული და გაკვირვებული ვარ. ხალხის მხარდაჭერა წარმოუდგენლად დიდია, რაც მაძლევს ძალიან დიდ იმედს, ძალას და სტიმულს იმისთვის, რომ ბოლომდე დავიხარჯო და მაქსიმუმი გავაკეთო. თუ პროექტის ფინალში მოვხვდი, ეს ჩემთვის იქნება გამარჯვებაც და უდიდესი შანსი ევროპის მასშტაბით მოქმედებისთვის.

- საქართველო და აფხაზეთი როგორ მოჩანს ამ „მასშტაბებში“?

- ჩემი ცოდნა და გამოცდილება მსურს იმ ადამიანებს გაეუზიარო, ვისაც ეს ძალიან სჭირდება და ამ მიზნით აუცილებლად დაეხმარებოდნენ საქართველოში, მაგრამ არ ვიცი, ეს როდის იქნება.



აფხაზეთის ნოსტალგიით შთაფლვებული მხატვრობა ყოველწლიური საერთაშორისო ბაზრობის შთაბეჭდილებებით

მაია შონია

საქართველოს მხატვართა კავშირის საგამოფენო დარბაზში აფხაზეთის მხატვართა ნამუშევრების ყოველწლიური საერთაშორისო გამოფენა გაიმართა. გამოფენა აფხაზეთის ავტონომიური რესპუბლიკის მთავრობის, საქართველოს მხატვართა კავშირის და აფხაზეთის ლიტერატორთა და შემოქმედებითი გაერთიანების მხარდაჭერით მოეწყო.



გამოფენაზე წარმოდგენილი იყო გამოფენის მონაწილე თითოეული ავტორის ბოლო ერთი წლის განმავლობაში შესრულებული სამი ნამუშევარი, რომელთაგან ერთ-ერთი „წლის საუკეთესო ნამუშევრის“ ნომინაციაზე უნდა წარდგენილიყო.

აფხაზეთის მხატვართა კავშირის გამგეობამ ნომინატების გამოსავლენად შექმნა სპეციალური კომისია, რომელიც საქართველოში სახვითი ხელოვნების დარგში აღიარებული და კომპეტენტური ხელოვნებისაგან შედგებოდა (კომისიის წევრების ვინაობა ფარული იყო).

„წლის საუკეთესო ნამუშევრის“ პრიზი არ გაცემულა, მაგრამ კონკურსში მონაწილე ათამდე მხატვარს ნახაღისების მიზნით სპეციალური დიპლომები და ფულადი პრემია გადაეცა.

გამოფენას აფხაზეთის ავტონომიური რესპუბლიკის მთავრობის თავმჯდომარის მოვალეობის შემსრულებელი ვახტანგ ყოლბაია,

აფხაზეთის ავტონომიური რესპუბლიკის უმაღლესი საბჭოს თავმჯდომარე ელგუჯა (გია) გვაზავა, საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა მინისტრის მოადგილე გოგი ფაცაცია, აფხაზეთის ავტონომიური რესპუბლიკის განათლებისა და კულტურის მინისტრი დიმიტრი ჯაიანი, ხელოვნების მოყვარულები, კრიტიკოსები, მასმედია და ფართო საზოგადოების წარმომადგენლები ესწრებოდნენ.

საქართველოს მხატვართა კავშირის თავმჯდომარემ გურამ ცერცვაძემ გამოფენის შეფასებისას განაცხადა:

- კომისიის გადაწყვეტილებით პირველი პრემია არ გაიცა. დარჩენილი თანხა სიმბოლურად თანაბრად გადანაწილდა მხატვრებზე, რომელთა შორის არიან: ფერნერაში: დავით კვანტალიანი, ხუტა კვარაცხელია, მამუკა ფიფია; ვრაფიკაში: ეკატერინე ქარაგა; ქანდაკებაში: ვალერი ჯობავა, ნერსე ბანაში, ელდარ ქავშაია; ხეზე ჭრა: ირაკლი გოგია; პოპ-არტში: ნანა ფანგანი; მინაქარში: მერაბ ევაძე; კალიგრაფიაში: ლეილა ბაღბაია. აფხაზეთის მხატვრებთან ერთად მომავალშიც ძალიან ბევრ საინტერესო პროექტს ვგეგმავთ.

გამოფენა და კონკურსი ასე შეაფასეს სტუმრებმა:

ვახტანგ ყოლბაია: - მხატვართა ეს გილდია საოცარი ერთიანობით გამოირჩევა. მათ აქვთ ერთმანეთის გვერდში დგომის განსაკუთრებული უნარი. მათ შეძლეს, რთულ პირობებში შეენარჩუნებინათ საკუთარი სახე. მათი გამოფენები იმართება არა მხოლოდ საქართველოში, არამედ უცხოეთშიც. ამიტომ არ გვაქვს უფლება, დავნიოთ ის თამასა, რომელიც თავის დროზე თავად ავნიეთ.

გია გვაზავა: - ვფიქრობ, მხატვარი არის ის, ვინც ბოლო კაპიკსაც კი ფუნჯსა და საღებავში გადაიხდის და არ იფიქრებს, თუ რა ეღირება მისი ნამუშევარი, მილიონი თუ რამდენიმე თეთრი. მხატვრისთვის ხატვა მოთხოვნილე-



ბაა. ჩერჩილს ომის დროს შესთავაზეს - ომია და კულტურის სამინისტროს ჩამოვაჭრათ ბიუჯეტი. ჩერჩილმა უპასუხა - მაშინ რისთვის ვიბრძვიო! ჩვენ ვართ ერთადერთი სახელმწიფო სტრუქტურა, რომელიც ხელოვნების განვითარებას აფინანსებს. თქვენს ნახატებში სამშობლოს, აფხაზეთის სიყვარული ჩანს. მაღლობა მინდა გითხრათ ამ შემოქმედებისთვის. მაღლობას ვუხედი საქართველოს მხატვართა კავშირს თქვენი თანადგომისთვის.

დიმიტრი ჯაიანი: - აფხაზეთს უნიჭიერესი მხატვრები ჰყავს. მათი შემოქმედება ჩვენი სიამაყეა. ხელოვნებათმცოდნეებს ვთხოვდი, მეტი ყურადღება მიაქციონ აფხაზეთის მხატვრებს, გვერდით დაუდგნენ, ოღონდ, უკომპრომისოდ შეაფასონ. დარწმუნებული ვარ, ჩვენი მხატვრები აფხაზეთში ისეთ ტილოებს ჩაიტანენ, რომლითაც არა მხოლოდ საქართველო იამაყებს.

ელდარ ქავშაია, მხატვარი: - სულ თან დამყვებოდა იმის სურვილი, რომ ჩემს ნამუშევრებში ფორმა სამ განზომილებაში გადმოემეცა.



ჰოდა, უკვე ქანდაკებაც ვცადე და გავაკეთე მოდერნისტული და სტილიზებული ნამუშევარი „დრო და ჰარმონია“. ეს არა იმდენად ქანდაკებაა, რამდენადც ინსტალაცია. სწორედ ეს ნამუშევარი გამოირჩა, რაც ძალიან კარგია თავდაჯერებისთვის.

დავით ბაძალუას საიუბილეო გამოფენა სიახლით გამოირჩა

სალომე თორია

საქართველოს მხატვართა კავშირის საგამოფენო დარბაზში აფხაზეთის მხატვართა კავშირის თავმჯდომარის, მხატვარ დავით ბაძალუას პერსონალური გამოფენა გაიმართა.



გამოფენა დავით ბაძალუამ თავის 45 წლის იუბილეს მიუძღვნა და სიმბოლურად 45 ნამუშევარი წარმოადგინა. დავით ბაძალუას შემოქმედების ერთ-ერთი უმთავრესი

თემაა აფხაზეთი. მხატვრის ნამუშევრებს იცნობენ საზღვარგარეთ, სადაც არაერთი გამოფენა ჰქონია. ამასთანავე, მისი ნამუშევრები დაცულია ამერიკისა და ევროპის ქვეყნების კერძო კოლექციებში.

გამოფენის გახსნის ოფიციალურ ცერემონიაზე დავით ბაძალუას მიესალმნენ აფხაზეთის ავტონომიური რესპუბლიკის მთავრობის თავმჯდომარის მოვალეობის შემსრულებელი ვახტანგ ყოლბაია, აფხაზეთის ა/რ უმაღლესი საბჭოს თავმჯდომარე ელგუჯა (გია) გვაზავა, საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა მინისტრის მოადგილე გოგი ფაცაცია, სოხუმის სახელმწიფო უნივერსიტეტის რექტორი ზურაბ ხონელიძე, აფხაზეთის ლიტერატორთა და ხელოვნათა შემოქმედებითი გაერთიანების თავმჯდომარე მანონ ბულისკერია.

დავით ბაძალუას შემოქმედების თავისებურებებზე, მის განსაკუთრებულ ხელწერასა და მუდმივი მადიებლობის იშვიათ ნიჭზე ისაუბრეს ხელოვნებათმცოდნეებმა ქეთი ასობაძემ და დავით ანდრიაძემ, საქართველოს მხატვართა კავშირის თავმჯდომარემ გურამ ცერცვაძემ. გამოფენის გახსნას უძღვებოდა მხატვარი ზურაბ ჭეიძია.

გამოფენას ასევე ესწრებოდნენ საქართველოსა და აფხაზეთის მხატვართა კავშირების, ხელოვნების სფეროს წარმომადგენლები და ხელოვნებისმოყვარულები.



რედაქტორი ნატო კოსანტინა

ნომერზე მუშაობდნენ: მაია შონია, ეკატერინე გაღილია, სალომე თორია, რუსუდან ემუხვარი